

欽定大清現行新律例

大清現行刑律案語

名例下

老小廢疾收贖

○原律

凡年七十以上十五以下及廢疾一肢一目折犯流罪以下收

贖其折人殺一家三人反家口曾緣救者不用此律其餘

犯該九軍者亦照流罪並收贖八十以上十歲以下及篤

疾兩肢之目折犯殺人謀殺故應死者一校者議擬奏聞犯不用

此取自上裁盜及傷人至罪死者亦收贖不謂既全免亦令其

贖餘皆勿論者謂除贖之人外應死者有上諸盜及傷人九十以上

七歲以下雖有死罪不加刑逆九者不用此律反其有人教令

坐其教令者若有賊應償受賊者償之以謂九下十人皆上七

力若有教令之者罪坐教令之人或盜附之物旁人受而將用受用者償之若老幼小自用違著老小之物人違而

臣等謹按此仍明律惟緣坐重法已分別寬免所有註內犯謀反叛逆緣坐應流以至會赦猶流等語應行節刪現在謀故殺人罪均改絞註內一應斬絞句亦應刪充軍照章改為安置係屬內遣應改為遣罪謹將律文並修改律註開列於後

修改

凡年七十以上十五以下及廢疾一肢一目折犯流罪以下收

贖犯死罪者不用此律其餘侵損於人一應罪八十以上

十歲以下及篤疾兩肢之目折犯殺人謀故應死者議擬奏

聞犯反逆者取自上裁盜及傷人至死者亦收贖謂於既人

故不許全免餘皆勿論謂除殺之外應死者上請及傷人

亦令其收贖

九十以上七歲以下雖有死罪不加刑九十以上不用此律反其  
有人教令坐其教令者若有贓應償受贓者償之謂九十以上七  
歲以下之人省少智力若有教令之者罪坐自用教令之人或  
盜財物旁人受面將用受用者償之若老幼小自用返著老  
小之人  
過微

○原例

一每年秋審人犯其犯罪時年十五以下及現在年逾七十  
經九卿擬以可矜蒙

恩宥免減流者俱准其收贖

朝審亦照此例行

臣等謹按此條係乾隆五年定例查光緒三十二年法  
部奏定秋審應入可矜人犯酌擬隨案減等章程十五  
歲以下幼孩斃命有分別減流一項老人斃命亦有登

起理直毆情甚輕減流一項則苟情有可矜自應隨案辦理毋庸俟至秋審時所有例內秋審人犯暨九卿擬以可矜等語俱應修改惟老人斃命容有定案時年歲不符至秋審時方屆七十者此等人犯仍應備矜減流似應添敘明晰以資遵守至年十五以下幼孩一層已併入另條毋庸複叙謹將修改例文開列於後

### 修改

一凡年七十以上殺人之案如蒙起理直毆情甚輕者一體隨案減流若定案時未至七十迨秋

朝審時年歲已符法部擬以可矜蒙

恩宥免減流者俱准其收贖

### ○原例

一凡賭一日之人有犯軍流徒杖等罪但不得以廢疾論賦  
若毆人賭一日者仍照律科罪

臣等謹按此條係乾隆十年定例例內軍杖字應照章酌改謹將修改例文開列於後

### 修改

一凡賭一日之人有犯徒流遣等罪俱不得以廢疾論贖若  
毆人賭一日者仍照律科罪

### 原例

一凡年七十以上十五以下及廢疾犯流罪以下者准其收  
贖一次詳記檔案若收贖之後復行犯罪除因人連累過  
誤入罪者仍准其照例收贖外如係有心再犯即各照應  
得罪名按律充配不准再行收贖

修改

臣等謹按此條係乾隆二十四年定例查光緒二十九年刑部奏定罪犯習藝章程徒罪及軍流人犯係屬常赦所得原者均毋庸發配收入本地習藝所工作則嗣後徒罪固不離本籍流罪亦不盡發配例內按律充配一語應酌改爲按律治罪謹將修改例文開列於後

○原例

一凡年七十以上十五以下及廢疾犯流罪以下者准其收贖一次詳記檔案若收贖之後復行犯罪除因人連累過誤入罪者仍准其照例收贖外如係有心再犯即各照應得罪名按律治罪不准再行收贖

一凡竄疾犯一應死罪俱各照本律本例問擬毋庸隨案聲

請俱入於秋審分別實緩辦理其緩決之犯俟查辦減等時核其情節應減軍流者再行依律收贖

臣等謹按此條係乾隆三十九年定例嘉慶年間改定查光緒三十二年法部奏定秋審應入可矜人犯的擬隨案減等章程內有篤疾殺人之案如釐起理直回毆適斃者減爲流三千里若理曲肇釐或傷痕較多者仍按律擬絞監候等語是篤疾犯死罪新章有隨案減流不入秋審者似應將此層分別添入以免疑誤軍罪應照章改爲安置謹將修改例文開列於後

### 修改

○一凡篤疾殺人之案如釐起理直回毆適斃者隨案減爲流三千里收贖若理曲肇釐或傷痕較多及其餘犯一應死



罪者各照本律本例問擬毋庸隨案聲請俱入於秋審分別實緩辦理其緩決之犯俟查辦減等時核其情節應減流置者再行依律收贖

刪除

一凡老幼及廢疾犯罪律該收贖者若例該枷號一體放免應得杖罪仍令收贖

臣等謹按此條係前明問刑條例現在枷號已經改章此例即無關引用應即刪除

〇原例

一七歲以下致斃人命之案准其依律聲請免罪至十歲以下鬪毆斃命之案如死者長於兇犯四歲以上准其依律聲請若所長止三歲以下一例擬絞監候不得概行雙請

欽定

至十五歲以下被長欺侮毆斃人命之案確查死者年歲亦係長於兇犯四歲以上而又理曲逞兇或無心戲殺者方准援照丁乞三仟之例聲請恭候

臣等謹按此條係乾隆四十四年定例嘉慶年間修改例內以七歲以下殺人不論死者年歲准其依律免罪爲一層十歲以下殺人必死者年長四歲以上始准依律聲請爲一層十五歲以下殺人必死者年長四歲以上而又理曲逞兇或無心戲殺方准援案聲請爲一層查第一層係屬照律辦理既有律文可據似可毋庸複衍第二層本律第云議擬奏聞取自上裁並不論死者年歲若干而此必以年長四歲以上爲斷未免參差似

不如照律辦理擬將此兩層改爲除筆列入例首至十五歲以下斃命一層奏定秋審可矜人犯隨案減流新章內稱如死者年長四歲以上恃長欺凌力不能敵回抵適傷者減爲流三千里若死亦幼孩及傷痕較多者仍按律擬絞如發起護親不論是否互鬪向俱入矜若護伯叔父母兄弟姊並無互鬪情形者亦有入矜成案均應一體減流等語自應遵章修改入例以昭畫一謹將修改例文開列於後

### 修改

一幼孩殺人之案除七歲以下十歲以下仍依律分別辦理外至十五歲以下幼孩致斃人命如死者年長四歲以上恃長欺凌力不能敵回抵適傷者隨案減爲流三千里若

死亦幼孩及傷痕較多者仍按律擬絞監候如釐起護親不論是否互關及護伯叔父母兄弟並無互關情形者亦減爲流三千里

○刪除

一各直省審理年老廢疾翻控之案實係挾嫌挾忿圖詐圖賴或恃係老疾自行翻控審明實係虛誣罪應軍流以上者即行實發一概不准收贖倘訊明實因尊長被害並痛子情切懷疑具控及聽從主使出名誣控到官後供出主使之人俱准其收贖一次若不將主使之人供明不准收贖

臣等謹按此條係嘉慶二十三年定例原與工樂戶及婦人犯罪門內婦女翻控一條同出於御史之條奏迨

道光年間將婦女之例改輕而此條因仍未改查老疾  
誣告反坐之案例無不准收贖明文乃翻控審虛者即  
不准收贖未免歧異況新章遣流罪名俱應收所工作  
年老廢疾有犯礙難拘役訴訟門條例年老及篤疾之  
人許令同居親屬代告誣告者罪坐代告之人似應將  
彼例內篤疾改爲廢疾實行反坐代告之法則審虛者  
既有坐罪之人其無代告者即一概不與准理以後自  
鮮老疾翻控之事此條應即刪除

原例

一教令七歲小兒毆打父母者坐教令者以毆凡人之罪教  
令九十老人故殺子孫者亦坐教令者以殺凡人之罪

臣等謹按此條應仍其舊理合陳明

犯罪時未老疾

○原律

凡犯罪時雖未老疾而事發時老疾者依老疾論

罪年七十以上或七十以上無死時罪八十以上事發時或後事發時得依老疾論

死時事發時得入請入論勿論之類若在徒年限內老疾亦如

之徒請入論勿論之類若在徒年限內老疾亦如

一年三百六十日供照例折收贖徒若犯罪時幼小事發時

長大依幼小論人謂如七歲事發時仍得上請十五歲時作贖

仍十六歲時

臣等謹按此仍明律惟註內折役收贖句應修改明晰

杖字亦應節刪謹將律文並修改律註開列於後

修改

凡犯罪時雖未老疾而事發時老疾者依老疾論謂如下六犯

罪年七十事發或無疾時犯罪有癘疾後事發得依老疾收贖或七十九以下無犯死罪八十事發或廢疾時犯罪

死疾時事發得入請入論之類若在徒年限內老疾亦如

之謂如六十九以下徒年限內或府役並應未滿年入七十歲人徒時無病徒役以下年限內或府役並應未滿年入七十歲人

若一年除三百六十日為餘半該銀若千照例收贖犯罪時幼小

事發時長大依幼小論謂如七歲犯一歲事發仍得論

十五歲時作賊十六歲事發仍以贖論

〇續纂

一凡遺流應行收所習藝之犯如於工作限內已成老疾得

除役過月日按限折銀收贖

臣等謹按自光緒二十九年刑部奏定罪犯習藝章程

凡三流安置各犯俱應收入習藝所按限工作則苟有

工作限內已成老疾者作何辦理例無明文自應仿照  
徒限內老疾之例定爲專條以資遵用理合陳明



給沒贓物

○原律

凡彼此俱罪之贓謂犯受財枉法不枉及犯禁之物然如

之類若則入官若取與不和用強生事逼取求索之贓並

還主謂悉贓非欺強買賣有餘利自欲及求索之類○其犯罪應合籍沒財產赦

書到後罪人雖在赦決訖而宋未曾抄割入官者並從赦

免其已抄割入官守掌及犯謀反叛逆者財產與緣坐人

官並不放免若除謀反罪未處決之沒物雖已送官但未

經分配守掌人者猶為未入其緣坐應人犯家口雖已入

官若罪人遇赦得免罪者亦從免放○若以贓入罪正贓見

在者還官主謂官物還官私物還主又若本贓是贓情易

賊已費用者若犯人身死勿徵謂犯人身死若亦同若不因

財物之類如典典餘皆徵之若計雇工貨錢私投兵私借為

賊者死亦勿徵〇其估賊者皆據犯處地方當時犯中等物

價估計定罪若計雇工錢者一人一日為銀八分五釐五

毫其牛馬駝駝驢車船碾磨店舍之類照依犯時雇工貨

值計算定貨錢雖多各不得過其本價十兩即不得過貨

兩之一類〇其賊罰金銀並照犯人原供成色從實追徵

入官給主若已費用不存者追徵足色謂人原金銀或取不

存者並追足色

臣等謹按此仍明律現在緣坐重法業經刪除律內緣

坐人家口一層應行節刪雇工錢一日為銀八分五釐

五毫係屬爾時價值新章無力完繳罰金者銀一兩折

作工四口則一人一日應值銀二錢五分若謂罪犯折

工係屬從寬辦理則此雇工計銀照章再折一半尙屬酌中之數亦與時價不甚相遠似應酌量改定以資遵守謹將修改律文開列於後

### 修改

凡彼此俱罪之賊

謂犯受財枉法不枉及犯禁之物

謂如應

及無書之類

則入官若取與不和用強生事逼取求索之賊並

還主

謂悉職詐欺強買賣有餘利科斂及求索之類

○其犯罪應合籍沒財產赦

書到後罪人雖前決訖

在赦前

決訖

而家

未經抄割入官或罪未處

決

之類沒物雖已送官

但

未經分配

守與人者

並從赦免其已

抄割入官守掌及犯謀反叛逆者

已財產不分並不准免○

若以賊入罪正賊見在者還官主

又謂官本賊還官私物還主

馬及馬生駒羊生羔畜見在其賊高已費用者若犯人身死勿徵

有者亦同若因贓罪而犯別罪亦餘皆徵之若計雇工賃

錢私役弓兵類為贓者死亦勿徵○其估贓者皆據犯

處地方當時時犯中等物價估計定罪若計雇工錢者一人一

日為銀一錢二分五釐其牛馬駝羸驢車船碾磨店舍之

類照依犯時雇工賃值計追還貨錢雖多各不得過其本

價印船價銀一十一兩之類○其贓罰金銀並照犯人

原供成色從實追徵入官給主若已費用不存者追徵足

色銀謂人原查或取受正贓金銀使用原查不存者並追足贓色

〇原例

一命案內減等發落人犯應追埋葬銀兩勒限一個月追完

有物產可抵者亦著於限內變交如審係十分貧難者量

追一半給付屍親收領若限滿勘實力不能完將該犯即

行發配一面取其地鄰親族甘結該地方官詳請督撫核實咨請豁免如有隱匿發覺者地鄰人等均照不應重律治罪地方官照例議處

戲殺誤殺過失殺傷人

○原例

一應該償命罪因遇蒙

赦宥俱追銀二十兩給付被殺家屬如果十分貧難者量追一半

一凡各項埋葬銀兩地方官照數追給取其嫡屬收領然後將該犯釋放報部存案若不給付該犯係管押者仍管押係監禁者仍監禁勒限追給如捏稱給付將本犯釋放者告發之日本犯不准援免地方官一併從重議處

一凡過失殺人應追埋葬銀兩之犯如有力不能交咨請豁

免者免其著追將該犯照不應重律杖責發落

臣等謹按以上四條俱係人命案內應行追埋及給死者家屬銀兩之例後三條載在戲殺誤殺過失殺傷人門惟同是應追銀兩各條辦法不無參差似應修併爲一歸入此門並將各項分叙明晰以免歧誤查第一條命案減等人犯係指隨案減流者而言如毆傷人因風身死及死在正限外餘限內之類是也第三條各項埋葬銀兩係指命案內罪應滿杖徒流者而言如威逼人致死及弓箭車馬殺人之類是也第二條係專指逢恩赦免者第四條係專指收贖絞罪者而第一條應追埋葬銀兩勸實力不能完可以咨請豁免第四條雖可請豁仍行杖責第二第三條則並無豁免明文竊以爲命案內減

等及罪應徒流人犯雖已免其抵償尙有應得之罪此項埋葬銀兩如實力不能完尙可咨請豁免若罪因遇赦及過失殺收贖除追給銀兩外已無餘罪此等亦得全行准豁未爲平允且現在杖責改爲罰金過失殺人之犯如力不能交亦未便仍行折罰至老小廢疾收贖及留養案內養贍銀兩律例亦無准豁之文似應與遇

赦援免及過失殺傷各項一併定擬辦法修入例內以資遵守謹將修併例文開列於後

### 修併

#### 一應該償命罪囚遇蒙

赦宥應給被殺家屬養贍銀二十兩及命案內隨案減等或罪應徒流人犯應追埋葬銀兩並老小廢疾收贖過失殺傷收

贖留養收贖各銀兩俱勒限一個月追完有物產可抵者亦著於限內變交如審係十分貧難者量追一半分別給屬入官若限滿勘實力不能完其由死罪減等及例應流徒人犯即行收所習藝一面取其地鄰親族甘結詳請督撫核實咨部豁免如有隱匿發覺者地鄰人等照不應重治罪承追官照例議處其應行援免及收贖釋放人犯仍再限一月將減半銀兩著落本犯或親屬完交不得概行請豁

〇原例

一凡州縣自理贖銀歲底造冊申報按察司布按自理贖銀歲底冊報督撫督撫歲底彙造清冊題報刑部察核其承問各官應開明罰贖人姓名及所罰數目曉示各該地方



如有以多報少及隱漏者督撫參奏以貪贓治罪

臣等謹按此條係康熙年間現行例查布按自理贖銀近年實屬罕有之事此屆應行節刪現在改題爲奏各省所收罰贖銀兩似應申詳上司報部查核毋庸具奏至州縣應改爲問刑衙門刑部應改爲法部謹將修改例文開列於後

### 修改

一凡問刑衙門自理罰金及收贖銀兩歲底造冊申詳上司報法部察核並應開明罰贖人姓名及數目曉示各該地方如有以多報少及隱漏者督撫奏參以貪贓治罪

### ○原例

一刑部現審案內凡行追贓罰贖變贓贖銀兩承追各官俱

各定限一年追完如逾限不行追交該部即行查參將承追各官照例議處

臣等謹按此條係乾隆十年定例自光緒三十二年改刑部爲法部現審事項劃歸大理院及各級審判廳辦理例首刑部二字應改京城二字該部即行查參應改爲法部大理院即行查參行追賊罰等項銀兩係發交該犯旗籍承追並非原審司員亦應添敘明晰以免疑誤謹將修改例文開列於後

### 修改

一京城現審案內凡應追賊罰賊變賊贖銀兩俱將該犯發交本旗籍該管官定限一年追完如逾限不行追交法部大理院即行查參將承追各官照例議處

○原例

一凡追贓人犯除侵貪官吏仍照例限監追外其搶奪竊盜之賊著地方官於定案之日嚴行比追如果力不能完即將本犯治罪隨時取結詳報分別題咨豁免

臣等謹按此條係乾隆二十年定例查近來辦理搶奪竊盜之案如果無力完贖第聲明赤貧免追並無結報之事例內隨時取結詳報句應行節刪現在問刑不專歸地方官答杖則僅用於死罪人犯題本亦經一律刪除所有例內地方官應改爲問刑衙門比追應改爲著追題應改爲奏謹將修改例文開列於後

修改

一凡追贓人犯除侵貪官吏仍照例限監追外其搶奪竊盜

之贓問刑衙門於定案之日嚴行著追如果力不能完即將本犯治罪分別奏咨豁免

○原例

一凡內外官員名下應追因公核減借欠等項及該員本係分賠代賠經地方官查明結報家產盡絕無力完繳者俱照例題豁毋庸再於同案各員名下攤追

臣等謹按現在各項題本均經改奏例內題豁應改爲奏豁謹將修改例文開列於後

修改

一凡內外官員名下應追因公核減借欠等項及該員本係分賠代賠經地方官查明結報家產盡絕無力完繳者俱照例奏豁毋庸再於同案各員名下攤追

○原例

一刑部現審案內違例人官住房鋪面各項房屋於定案後  
徑咨戶部辦理刑部毋庸估變

臣等謹按此條係道光三年定例自刑部改爲法部現  
審案件專歸大理院及各級審判廳審理例內刑部字  
應改爲大理院及各級審判廳戶部改爲度支部京城  
地面事項俱歸民政部內外城巡警總廳專管例內戶部  
字應改民政部或內外城巡警總廳謹將修改例文開  
列於後

修改

一大理院及京師各級審判廳現審案內違例人官住房鋪  
面各項房屋於定案後大理院則徑咨民政部辦理各級

審判廳則徑咨內外城巡警總廳辦理毋庸原問衙門估變

〇原例

一竊盜案內無主贓物及一切不應給主之贓如係金珠人參等物交內務府銀錢及銅鐵鉛錫等項有關鼓鑄者交戶部硫磺焰硝及輓石木植等項有關營造者交工部洋藥及鹽酒等項有關稅務者交崇文門其餘器皿衣飾及馬羴牲畜一應雜貨均行文都察院劄行該城御史督同司坊官當堂估值變價交戶部彙題並將變價數目報都察院及刑部查覈倘有弊混及變價不完由該御史查參臣等謹按此條係同治九年定例查戶部現改爲度支部工部併爲農工商部刑部改爲法部現審案件劃歸

大理院辦理巡城御史及司坊官則一併裁撤地面事項專屬民政部內外城巡警總廳管轄例內各衙門均應照改再此例係指京城現審而言亦應於例內添入以免疑誤謹將修改例文開列於後

### 修改

一京城現審竊盜案內無主贓物及一切不應給主之贓如係金珠人參等物交內務府銀錢及銅鐵鉛錫等項有關鼓鑄者交度支部硫磺焰硝及硃石木植等項有關營造者交農工商部洋藥及鹽酒等項有關稅務者交崇文門其餘器皿衣飾及馬羴牲畜均行文民政部制行內外城巡警總廳督同該區官當堂估值變價交度支部彙奏並將變價數目報法部及大理院查覈倘有弊混及變價不

完由法部及大理院奏參

○原例

一斷付死者之財產遇

赦不得免追

一虧空貪贓官吏一應追賠銀兩該督撫委清查官產之員會同地方官令本犯家屬將田房什物呈明時價當堂公同確估詳登冊記申報上司仍令本犯家屬眼同售賣完項如有侵漁需索等弊許該犯家屬並買主首告將侵漁需索之官吏照侵盜錢糧及受枉法贓律治罪

一地方官吏有將入官田房私租於人者除照數追賠外仍照侵盜錢糧例治罪其一應變賣什物俱勒限一年限同本犯家屬照數變賣如逾限未變器皿衣服仍於本地方



勒變一應金銀珠玉等物兌明分兩數目造具清冊眼同本犯家屬封固取具並無更換甘結具文解交藩庫遇有便員附搭解部轉交崇文門變價若有竊換等弊許家人及旁人首告加倍追賠仍照侵盜錢糧例治罪

一田房產業一經入官即令本犯家屬將契券呈堂出業該管官眼同原主秉公估定開明價值出示速售有願買者即給與印照不許原主勒索我價仍令買主出具並無假冒影射甘結存卷如該管官縱容原主據占影射將據占之家屬影射之父兄俱照隱瞞入官財物律坐贓治罪該管官並該上司俱照例分別議處如並無影射等弊首告之人捏詞陷害按律反坐至所典房地及質當物件勒限令原主取贖歸還原本如逾限不贖即開明原本價值出

示招賣

一緣事獲罪應行查抄資產而兄弟未經分產者將所有產業查明按其兄弟人數分股計算如家產值銀十萬兄弟五人每股應得二萬祇將本犯名下應得一股入官其餘兄弟名下應得者概行給予

臣等謹按上五條應仍其舊理合陳明

犯罪自首

○原律

凡犯罪未發而自首者免其罪若有雖免猶徵正賊法如枉枉

法賊人官用強盜事逼取詐欺科其輕罪雖發因自首

罪者免其重罪謂如免盜事發之罪自首止科竊盜罪若因問

被告之事而別言餘罪者亦如之止科見因犯私免事

發人財物不加科私鹽之罪餘罪俱得免之類○其雖犯不人

自首遣人代首若於法得相容隱者之親為之首及彼此品

相告言各聽如罪人身自首法謂如甲犯罪遣乙代首者

限親疎亦同自首免奴婢雇工於法得相容隱者為首謂同居

與罪人自首同得免罪卑幼依干犯名義律科若自首不實

及不盡者多賊情首作少賊情以不實不盡之罪罪之數自首不盡

之者止計不盡至死者聽減一等其知人欲告及逃如逃之河

類叛是叛去本而自首者減罪二等坐之其逃叛者雖不

自首能還歸本所者減罪二等○其損傷於人因兇殺而自

傷者得免所因之罪仍從本教於物不可賠償印信官文毀

情之應器不准首及禁書之類私家既不合有是罪不可事發在

逃得已滅逃因禁越獄二在逃者雖不得首所犯之罪但既出首

得減本罪加罪仍若私越度關及姦者並不在自首之律○

若強竊盜詐欺取人財物而於事主處首服及受人枉法

不枉法贓悔過回付還主者與經官司自首同皆得免罪

若知人欲告而於財主處首還者亦得減罪二等其強竊

盜若能捕獲同伴解官者亦得免罪又依常人一體給賞

強竊盜自首免罪  
後再犯者不准首

等謹按此律應仍其舊理合陳明

○原例

一小功總麻親首告得減罪三等無服之親減一等其謀反叛逆未行如親屬首告或捕送到官者正犯俱同自首律免罪若已行者正犯不免其餘緣坐人亦同自首律免罪

採生折割人

○原例

一凡採生折割等人如有親屬首告或捕送到官已行者正犯不免其緣坐之妻子及同居家口得同自首律免罪

臣等謹按以上二例係乾隆五年纂定均言親屬首告分別免罪之法應將下條採生折割一項移附上條之末以歸一類列人本門緣坐重法現已刪除兩例內緣

坐等語均應節去謹將移併例文開列於後

移併

一小功總麻親首告得減罪三等無服之親減一等其謀反叛逆未行如親屬首告或捕送到官者正犯俱同自首律免罪若已行者正犯不免採生折割之案亦照此辦理

原例

一被擄從賊不忘故土乘間來歸者俱著免罪

等謹按此條係順治十八年

上諭乾隆五年奏例查俱著免罪句係屬

上諭內語既已纂例似應改爲俱免其罪謹將修改例文開列於後

修改

一被擄從賊不忘故土乘間來歸者俱免其罪

○原例

○一凡遇強盜係律得容隱之親屬首告到官同自首法照例擬斷其親屬本身被劫因而告訴到官者依親屬相盜律科罪不在此例

臣等謹按此例應仍其舊理合陳明

○原例

一強盜同居之父兄伯叔與弟明知爲匪或分受贓物者許其據實出首均准免罪本犯亦得照律減免發落

臣等謹按此條係雍正七年定例例內所云均准免罪係指強盜同居之父兄伯叔與弟言所云本犯亦得照律減免係指強盜本身言惟自乾隆以後定有強盜自首專條凡傷人首夥各盜事未發而自首者發遣新疆

○三  
爲奴未傷人首夥各盜事未發而自首者杖一百流三千里以強盜本身自首既無照律免罪之事則同居得相容隱之親屬自首未便轉視本犯自首爲優例內照律減免字應改爲照例減等以免歧異謹將修改例文開列於後

修改

一強盜同居之父兄伯叔與弟明知爲匪或分受贓物者許其據實出首均准免罪本犯亦得照例減等問擬

○原例

一凡誘拐不知情婦人子女首從各犯除自爲妻妾或典賣與人已被姦汚者不准自首外其甫經誘拐尙未姦汚亦未典賣與人即經悔過自首被誘之人即時給親完聚者



將自首之犯照例減二等發落若將被誘之人典賣與人現無下落誘拐之犯自首者仍各按例擬罪監禁自投首到官之日起三年限滿被誘之人仍無下落或限內雖經查獲已被姦污者即將原擬絞候之犯人於秋審辦理原擬流罪之犯即行定地發配倘能限內查獲未被姦污給親完聚者各於原犯罪名上減一等發落

臣等謹按自光緒二十九年奏定罪犯習藝章程凡軍流人犯係屬常赦所得原者無庸發配即在本省收所習藝誘拐不知情爲從之犯不在恩赦條款不准援免之列例內定地發配句應改爲照原罪發落以免參差謹將修改例文開列於後

修改

一凡誘拐不知情婦人子女首從各犯除自爲妻妾或典賣  
與人已被姦污者不准自首外其甫經誘拐尙未姦污亦  
未典賣與人即經悔過自首被誘之人即時給親完聚者  
將自首之犯照例減二等發落若將被誘之人典賣與人  
現無下落誘拐之犯自首者仍各按例擬罪監禁自首  
到官之日起三年限滿被誘之人仍無下落或限內雖經  
查獲已被姦污者即將原擬絞候之犯入於秋審辦理原  
擬流罪之犯卽行照原罪發落倘能限內查獲未被姦污  
給親完聚者各於原犯罪名上減一等發落

○原例

一在監斬絞重囚及遣軍流徒人犯如有因變逸出自行投  
歸者除謀反叛逆之犯仍照原擬治罪不准自首外餘俱

照原犯罪名各減一等發落若被拏獲者仍照原犯罪名  
定擬其自行越獄及看守通同賄縱者雖自行投首仍照  
各本律例問擬

臣等謹按此條係順治十七年舊例嘉慶六年改定惟  
自行越獄人犯本門已有半年內自行投首專條有犯  
自應照被例辦理例末一層應行節去軍罪既已改爲  
安置即屬內遣業於名例內聲明上層遣字似可賅括  
此軍字應刪謹將修改例文開列於後

### 修改

一在監斬絞重囚及遣流徒人犯如有因變逸出自行投歸  
者除謀反叛逆之犯仍照原擬治罪不准自首外餘俱照  
原犯罪名各減一等治罪若被拏獲者仍照原犯罪名定

擬

○原例

一由死罪減爲發遣盜犯並用藥迷竊案內發遣人犯在配及中途脫逃被獲例應即行正法者如有畏罪投回並該犯之父兄赴官稟首拏獲俱准其從寬免死仍發原配地方若准免一次之後復敢脫逃雖自行投回及父兄再爲首告俱不准寬免

臣等謹按此條係乾隆三十七年定例嘉慶六年改定查強盜免死及迷竊案內發遣人犯脫逃被獲即行正法之例此次業經酌擬刪除自後此等人犯脫逃被獲自有新例可援此例即屬無關引用惟本律事發在逃句下註明已被囚禁越獄在逃者雖不得首所犯之罪

但既出首得減逃走之罪二等正罪不減等語而軍流人犯中途及在配在所脫逃後畏罪投回或親屬稟首如何辦理律無明文似應推廣律義將此條改爲通例以資遵守謹將修改例文開列於後

### 修改

一遣流人犯在配在所或中途脫逃如有畏罪投回並該犯得相容隱之親屬赴官稟首拏獲俱准免其逃罪從前役過月日並得准理若准免一次之後復敢脫逃雖自行投首及親屬再爲首告俱不准寬免

### ○刪除

一竊盜自首不實不盡及知人欲告而於財主處首還律該減等擬罪者俱免刺

臣等謹按刺字一項業於光緒二十九年奉

旨革除以後自無刺字之事此例無關引用應即刪除

○原例

一不論強竊盜犯有捕役帶同投首者除本犯不准寬減外仍將捕役嚴行審究倘有教令及賄求故捏情弊將捕役照受財故縱律治罪

一聞拏投首之犯除律不准首及強盜自首例有正條外其餘一切罪犯俱於本罪上減一等科斷

一一人越獄半年內自行投首者仍照原擬罪名完結如同夥越獄多人有一人於限內投首供出同夥於半年內盡行拏獲者將自行投首之犯照原罪減一等發落倘供出之同夥內尙有一二人未獲者亦仍照原擬罪名完結如

係有服親屬等首者亦照本犯自首之例分別完結

臣等謹按以上三條應仍其舊理合陳明

二罪俱發以重論

○原律

凡二罪以上俱發以重者論罪各等者從一科斷若一罪先

發已經論決餘罪後發其輕者等勿論重者更論之通計

前所論罪以充後之發數如二大犯竊盜一次後發計贓

四十兩該杖一百合貼杖三十如六有徒一年節次受兩後發

三台並不取前法贓通計坐四十兩不更計全日徒其應入官物賠

償查刺字官罷職罪止者或從勿論或重各盡本法人謂犯一

數罪如枉法不枉一法贓合入官毀傷器物合賠贖竊盜一合

百二十兩以上罪止杖一百流

臣等謹按此仍明律其小註係乾隆五年改定惟自光

緒三十一年以後刺字一項業經奏請刪除笞杖等刑



亦經改爲罰金流徒附杖奏准寬免竊盜罪應笞杖者  
 則另有分別工作章程所有律內刺字及註內流徒附  
 杖各節均應節刪竊盜杖七十杖一百等句均應照改  
 謹將修改律文律註開列於後

修改

凡二罪以上俱發以重者論罪各等者從一科斷若一罪先  
 發已經論決餘罪後發其輕若等勿論重者更論之通計

前所論罪以充後之發數謂如二大犯竊盜四月一次先發計賊

人在四法十兩該工內十月合貼先發已徒月一年二十兩節後發受

合並取在法賊通計四兩不更計全科徒其應入官物賠

償官罷職罪止者科罪雖勿論或重各盡本法罪如一在法不數

上杜合法職合入官毀棄不枉器物合一賠償職官私罪上罪止等罰

千里之類各  
費本法擬斷

○原例

一凡人命案件按律不應擬抵罪止軍流徒人犯

如家長有

姦奴僕雇工人妻女未成致令自盡罪應擬流和姦之案向有

人居住宅舍放彈射箭因而致死罪應擬流和姦之案向有

因姦致死并敗露姦情自盡及誘引不立望等類除致死二命

照律從一科斷外如至三命者於應得軍流徒本罪上各

加一等三命以上者按照致死人數遞加一等罪止發遣

新疆酌撥種地當差不得加入於死若致死三命以上例

有專條者各照定例辦理如威逼人致死非一家至三

過失殺人之案仍照律收贖殺至數命者按死者名數各

追銀十二兩四錢二分給各親屬收領毋庸加等治罪此

等案件必須詳細研問若核其案情近於過失而情節較

仍照例分別定擬不得  
引過失殺律收贖

臣等謹按此條係嘉慶六年定例查過失殺人絞罪現已於律內改爲准鬪毆傷罪減二等依律收贖並於名例內註明收贖銀二十兩例內各追銀十二兩四錢二分給各親屬收領句應行修改近邊充軍罪名此次修訂律例俱酌量改爲流罪註內所列各條與新例不甚相符竊謂此條例文本明白顯易毋庸加註所有前二段註語均應節刪謹將修改例文開列於後

修改

一凡人命案件按律不應擬抵罪止流徒人犯除致死二命照律從一科斷外加至三命者於本罪上各加一等三命以上者按照致死人數遞加一等罪止發遣新疆當差不

得加入於死若致死三命以上例有專條者仍各照定例  
辦理至過失殺人至數命者按死者名數各追銀二十兩  
給各親屬收領毋庸加等治罪

此等案件必須詳細研和

情節較重或耳目所可及思慮所得引過失非初無害人  
之意者應仍照例分別定擬不得濫引過失殺斃收贖人

犯罪共逃

○原律

凡犯罪共逃亡其輕罪因能捕獲重罪因而首告及輕重罪相等但獲一半以上首告者皆免其罪以上指自犯者言謂同犯罪事發或

各犯罪事發而共逃者若流罪因能捕死罪因能捕內一人能捕二人能捕

而首告之類皆得免罪若法出其因他人犯連累致罪而免正

罪人自死者連累聽減本罪二等謂以下指因人犯連累而

得罪者如藏匿引送資給罪人及保勘供證不實或失覺

二減罪若罪人自首告免得及遇赦原免或蒙特恩減罪收贖

者連累亦准罪人原免減等贖罪法謂四罪人在後累以首得

告或遇恩赦全免或蒙特恩減一等二等或贖

臣等謹按此律應仍其舊理合陳明

同僚犯公罪

○原律

凡同僚犯公罪者謂同僚官差錯而無私曲者非以吏典為首

首領官減吏典一等佐貳官減首領官一等長官減佐貳

官一等所設官如吏無四等者依四等見該員數遞減衙門若同

僚官一人有私自依故出入人罪以論其餘不知情者止

依失出入人罪公論人謂如同僚連署文案出入人罪吏五其餘四

出入雖連署文案仍依四等有私者止依失○若司中上司差誤有

司上不覺失察准行者各遞減下司官吏罪二等謂如縣中

府中布政司之類若上司行下謂中而有差所屬依錯施行者各遞減

上司官吏罪三等謂如州行政縣之類府亦各以吏典為首

首領官依減之

臣等謹按此律應仍其舊理合陳明

公事失錯

○原律

凡公事失錯自覺舉者免罪其同僚官吏同署文應連坐

者一人自覺舉餘人皆免罪謂緣木致龜但同僚無私曲文者

正者被此一人無罪故○其斷罪失錯人於已行論決者仍

罪論入不用此律謂死罪及笞杖此等已決訖已行論決官司

雖自檢舉之故不免罪各依失人罪律減三等及官吏等

皆得免其失錯之罪其官文書稽程官應連坐者一人

自覺舉餘人亦免罪承主典吏之不免謂文案小事五日程

十日程若主典自舉者並減

二等謂當該吏典自檢舉者皆得減罪二等官全免

臣等謹按此仍明律其小註係



國初及乾隆五年修定惟現在笞杖照章改為罰金流罪亦不盡發配註內笞杖已決訖流罪已至配所二語應行酌改謹將修改律註開列於後

修改

凡公事失錯自覺舉者免罪其同僚官吏同署文應連坐

者一人自覺舉餘人皆免罪謂緣公事致罪而無私曲者

案官吏一人無罪檢舉改 ○其斷罪失錯入於已行論決者從仍

正者被此俱無罪 不用此律謂已處罰訖此等並為已行論決官司雖

罪論入人 不用此律謂已處罰訖此等並為已行論決官司雖

自檢舉之故云不罪各依此律其失出人罪雖已決放若未放

諸能自檢舉貼斷者 其官文書稽程官應連坐者一人自

覺舉餘人亦免罪承主典此不免 若主典自舉者並減二

等  
皆謂  
得常  
減該  
罪止  
典二  
等自  
官檢  
全事  
免者

共犯罪分首從

○原律

凡共犯罪者以 先 造意人 一為首 斷依律隨從者減一等○若一

家人共犯止坐尊長若尊長年八十以上及篤疾歸罪於

共犯罪以次尊長 如坊無以次尊長方坐卑幼謂如尊長與

無罪以尊長有專制之義也如尊長年又八十以上及篤疾與

於例不坐罪即以其犯之義也如尊長年又八十以上及篤疾與

男為首仍獨坐男婦 侵損於人者以凡人首從論 首從論首從為

為從侵損人首從財之物損其國股損於人之類如父子台家長同

犯並依凡首從財之物損其國股損於人之類如父子台家長同

若共犯罪而首從本罪各別者各依本律首從論 仍坐以一

首罪餘人徒二年半罪人依甲引他人共毆傷兄甲依弟毆

兄杖九十人徒二年半罪人依甲引他人共毆傷兄甲依弟毆

幼引外人盜己家財物凡一十兩卑幼以私擅用財 ○若本

條言皆者罪無首從不言皆者依首從法○其同犯擅入

皇城宮殿等門及同私越度關若同避役在逃及同犯姦

者

律雖不言

亦無首從

爾各自身犯是以亦無首從皆以正犯科罪

臣等謹按此仍明律其小註係

國初及乾隆五年修改惟查比引律條有僧道徒弟與師共犯罪徒弟比依家人共犯罪律免科一條似應於一家人共犯止坐尊長之下增入如僧道徒弟與師共犯亦同小註十一字以資援引笞杖照章罰金竊盜計贓應杖者一律分別改折工作流徒附杖均應節刪謹將修改律註開列於後

修改

凡共犯罪者以

先

造意

人一

爲首

依律

隨從者減一等○若一

家人共犯止坐尊長

如僧道

徒弟與

師共犯亦同

若尊長年八十以上

及篤疾歸罪於其犯罪以次尊長如無如次尊長與卑幼坐其卑

犯者不論過意獨坐尊長及卑幼無罪以尊長有專制之義也如尊長年八十以上及篤疾幼無罪不坐罪即以共犯之義

大長者常罪又如婦人爲首仍獨坐男夫夫侵損於人者以凡人卑幼同犯雖婦人爲首仍獨坐男夫

首從論造意爲首從合家同犯並依凡人物指謂之曰殺

以其不獨坐於人長若共犯罪而首從各別者各依本律首從

論仍視兄一人依弟以首餘二人坐以從罪謂凡如甲引他人共

二等罰加二等處幼引他人盜人依家凡財物論一十兩卑幼以類

○若本條言皆者罪無首從不言皆者依首從法○其同

犯擅入皇城宮殿等門及同私越度關若同避役在逃及

同犯姦者律雖不言亦無首從謂各自身犯是亦無

○原例

一凡父兄子弟共犯姦盜殺傷等案如子弟起意父兄同行

助勢除律應不分首從及其父兄犯該斬絞死罪者仍按其所犯本罪定擬外餘俱視其本犯科條加一等治罪概不得引用爲從字樣

臣等謹按此條應仍其舊理合陳明

犯罪事發在逃

○原律

凡二人共犯罪而有一人在逃現獲者稱逃者為首更無人

證佐則所由稱其決其從罪後獲逃者稱前之獲人為首鞫問

是實還將前依首論通計前之決罪以充後之問數○若犯罪

事發而在逃者衆證明白或係為首或係為從即同獄成將來照以

原招不須對問仍加逃罪二等逃在木

臣等謹按此律應仍其舊理合陳明

○原例

一凡人命搶竊等案正犯在逃未獲為從應斬絞監候人犯

按例擬罪入於秋審分別情實緩決辦理毋庸監候待質

應緩決者俟查辦減等時如係應行減等人犯即照所減

之遣軍流罪按定例限監禁待質十年限滿正犯無獲照例分別發配或限內遇

赦累減再照所遞減罪名按限查辦情實未勾者亦俟改入緩決准減之後一例辦理

一人命搶竊及拒捕共毆等案正犯在逃未獲案內牽連餘犯密係無干即行省釋不准濫行監候待質若現獲之犯稱逃者爲首如現獲多於逸犯供證確鑿以及逸犯雖多而現獲之犯係先後拏獲或雖同時並獲經隔別研訊實係逃者爲首或事主屍親旁人指證有據者即依律先決從罪毋庸監候待質若案內人數衆多僅獲一二名無事主屍親證佐指認者將現獲之犯按例擬罪監禁俟逸犯就獲後質訊明確定地起解倘正犯日久無獲爲從監候



待質人犯除強盜案件不應寬釋外其餘人命等案如原擬遣軍流罪已過十年徒罪已過五年杖罪已過三年並未擬定罪名之人已過二年者該督撫陸續查明咨部核覆應遣軍流徒者照原擬罪名即行發配應杖罪及並未擬定罪名之人取具的保釋放在外俟緝獲正犯之日再行質審倘釋放後私自逃匿保人各照不應輕律笞四十本犯獲日杖罪人犯照原擬杖罪加枷號一個月並未擬定罪名之人照不應重律杖八十若監候年限內恭遇恩赦如在逃本犯罕獲時例得減免者待質之犯准其即行查辦

省釋

臣等謹按上二條俱係人命搶竊等案內正犯在逃未獲將現犯分別監候待質之例查唐明各律並無待質

之文蓋首從俱係流罪以下人犯現獲者雖先決從罪  
迨後鞫問得實自有通計前罪以充後數之法若首從  
俱係應死人犯現獲者既已自認爲從則罪已至死亦  
無再待逸犯質證之理至首應死而從或僅止流徒杖  
責者雖使從罪先決後獲逃者稱前人爲首仍可提回  
質訊擬以死罪而律不言者從可知也若如此二例自  
死罪以至未定罪名各犯俱定擬例限監候待質使正  
犯永無弋獲或獲後訊明前供屬實待質之犯仍應決  
配徒多此十年五年以及二三年之監禁究之以後獲  
之犯質實前人爲首者百無一二不惟爲聽訟者開方  
便之門抑亦爲犯罪者加累繫之苦且現在習藝新章  
徒流俱應按限工作如於待質限滿後仍須收所多年

則人壽幾何不至老於囹圄不止揆之情法實屬過當  
今擬將兩條修併爲一除首從罪應流徒以下應即照  
律辦理外如首從均係死罪人犯現獲者稱逃者爲首  
亦應先決從罪俟逢

恩赦查辦時如所避之罪不准減免即按照乾隆初年舊例定限  
待質三年限滿分別減釋如首應死而從應流徒以下  
者仍行據供定罪係強盜案件亦酌量監禁三年其餘  
則分別收所習藝俟工作限滿如本罪原屬發配者即  
責令配所地方官管束不准回籍如係在本地習藝及  
罪止罰金者即取具的保釋放日後緝獲逸犯無論限  
內限外俱可提回質訊若審係爲首仍可問擬死罪似  
此變通辦理庶現犯不至久拘囹圄即刁狡者亦不虞

倖逃法網至逸犯後獲之案容有承審官迴護前議不願究出實情遷就定讞者亦應酌擬罪名以防冤抑謹將修併例文開列於後

修併

一凡二人以上共犯罪現獲者稱逃者爲首除首從罪在遣流徒以下仍應照律辦理外若人命強竊盜及拒捕等案正犯在逃未獲爲從罪應絞候者按例定擬人於秋審分別情實緩決辦理其擬入緩決之犯遇有

恩詔查辦所避罪名應准減免者一體減罪省釋如本罪應得援赦所避係不准減免者仍行監禁三年倘正犯無獲再行收所工作或取保釋放其爲首罪應斬絞爲從罪止遣流徒或罰金之案現獲者稱逃者爲首如現獲多於逸犯供證確鑿

以及逸犯雖多而現獲之犯係先後罕獲或雖同時並獲經隔別研訊實係逃者爲首或事主屍親旁人指證有據者即依律擬罪案內牽連無干之人一概省釋緝獲逸犯不須對問若案內人數衆多僅獲一二名無事主屍親證佐指認者俱照現供定罪係強盜案件仍令待質三年限滿視正犯有無弋獲再行發配其餘罪應流徙者分別發配留籍均收入習藝所按限工作限滿發配人犯即交配所地方官管束不准回籍本地工作人犯與罪應罰金者均取具的保釋放逸犯就獲時無論限內限外俱提回質訊如原供屬實即照例完結若實係前獲之人爲首還依斬絞罪名問擬承審官如因定擬在先有意迴護者以出入人罪論

○原例

一內外現任文武職官除擅離職役查明尙非實在脫逃者仍照本律辦理外如負罪潛逃一經拏獲罪應斬決絞決者毋庸另議其犯該監候者俱改爲立決犯該軍流以下者無論本罪輕重一經脫逃被獲俱改爲絞監候秋審時將原犯情罪聲明具奏如無故私自逃走被獲者不論滿漢俱革職滿員仍銷除旗檔一年限內自行投回者交部照擅離職役例議處

臣等謹按此例原係二條一載犯罪事發在逃門一載督捕則例光緒三十三年修併查犯罪事發在逃加罪二等罪止流三千里獄囚脫監應死者亦依常律蓋加罪不得加入於死若罪已至死則更無可加此古今相

傳之律義也此條罪應監候者改爲立決罪應軍流以下者俱改爲絞監候雖爲嚴懲職官起見究嫌律外加重應行酌改至官員既有職役萬無故逃走之理若實係無故逃走自應照擅離職役治罪末層應行節刪謹將修改例文開列於後

### 修改

一內外現任文武職官除擅離職役查明尙非實在脫逃者仍照本律辦理外如負罪潛逃一經拏獲本犯應死者依常律如該徒以上發往新疆効力贖罪罪僅處罰者仍照律加逃罪二等

### 原例

一內外問刑衙門審辦案件除本犯事發在逃衆證明白照

律即同獄成外如犯未逃走鞠獄官詳別訊問務得輸服供詞毋得節引衆證明白即同獄成之律遽請定案其有實在刁健堅不承招者如犯該徒罪以上仍具衆證情狀奏請

定奪不得率行咨結杖笞以下係本應具奏之案照例奏請其尋常咨行事件如果訊無屈抑經該督撫親提審究實係逞刁狡執意存拖累者即具衆證情狀咨部完結

臣等謹按此條係嘉慶十五年定例道光十年改定專爲犯未逃走據證定案者而設又光緒三十一年奏定新章嗣後斷案除死罪必須取具輸服供詞外其徒流以下罪名若本犯狡供不認者果係罪證確鑿其證人皆係公正可信上司府遞親提覆訊皆無疑義者即按



例定擬奏咨立案如再京控上控均不准理等語與此例微有不同自應酌加修併以利通行查舊例以徒罪上下爲奏請咨結之分新章云奏咨立案自係承舊例而言惟遺流以下罪名情節并不一致有本應具奏之案有咨部覆核之案原以省繁重而昭限制若徒罪以上概行奏請核與尋常分別奏咨辦理之法殊不盡一亦應略爲變通擬請嗣後據證定罪者係本應具奏之案照例奏請其尋常咨行事件即具衆證情狀咨部覆核完結庶分別咨奏之法不至兩歧再新章內上司層遞覈提一語專指外省而言應改爲復經層遞覈提研鞠以昭賅括謹將修改例文開列於後

### 修改

一內外問刑衙門審辦案件除本犯事發在逃衆證明白照律即同獄成外如犯未逃走鞠獄官詳別訊問係死罪人犯務得輸服供詞毋得節引衆證明白即同獄成之律遽請定案若遺流以下人犯本犯狡供不認果係衆證確鑿復經層遞親提研訊皆無疑義即照例定擬係本應具奏之案照例奏請其尋常咨行事件即具衆證情狀咨部覆核完結如再行控告均不准理

○刪除

一凡有關人命應擬斬絞各犯脫逃二三年後就獲如謀殺故殺及拒捕殺人等類情重之犯伴稽顯戮者各依原犯科條應監候者俱改爲立決尋常命案仍照本律本例擬以監候其無關人命應擬死罪各犯俱隨案的核情節分

別定擬其知情藏匿罪人者照律治罪知情之鄰保甲長俱杖八十該地方官稽查不力者交部議處若有屬員藏匿罪人該管上司不行糾參者亦交部議處

斬監候改立決條款

謀殺人造意者

故殺人者

犯罪拒捕殺人者

興販私鹽拒捕殺人者

軍士毆本管官死者

吏卒毆本部五六品長官及佐貳官首領官死者

所統屬官毆長官死者

軍民人等毆死在京現任官者

毆宗室覺羅死者

毆死內外總麻尊長若

毆外姻小功尊長死者

聽從下手毆本宗大功小功兄姊尊長僅令毆打輒疊毆多傷至死者

妻妾毆夫之期親尊長死者

妻妾毆夫之大功小功尊長死者

奴婢毆家長總麻小功大功親死者

雇工人毆家長期親若外祖父母及總麻小功大功親死者

文武生員武斷鄉曲欺壓平民其人不敵與爭旁人不敵勸阻將人毆打死者

與人鬪毆後遷怒於其父母毒毆致斃者

殺內外功服緦麻及族中奴僕一家三人者

尊長率領家人打辱罪人致家人殺人者

官司差人追徵錢糧勾攝公事而毆死差人者

死囚令人自殺子孫於祖父母父母及奴婢雇工人於家

長聽從下手者

圖財害命未得財殺人爲首者

圖財害命不加功而得財者

庸醫因事故用藥殺人者

誣良爲強竊盜拷打致死者

誣竊爲盜拷打致斃者

番役誣陷無辜妄用腦箍及竹簽烙鐵等刑致斃人命者

捕役受賄將罪人致死爲首者

獄卒受賄謀死本犯爲首者

私放囚人逃走因而殺人者

誣告平民拖累致死三人以上者

誣告人斬罪所誣之人已決者

因姦盜而威逼人致死者

豪強兇惡之徒因事威逼平民自盡一家三命以上者

用威力強行綁去及設方略誘往四川販賣將被拐之人

傷害致死爲從者

略賣良人因而殺人者

強奪良家妻女已被姦污妻女自盡者

強姦既成本婦羞忿自盡者

強姦未遂將本婦毆傷越數日後因傷身死者

強姦既成其夫與父母親屬羞忿自盡者

強姦內外總麻以上親及總麻以上親之妻妻前夫之女

同母異父姊妹未成本婦羞忿自盡者

縱容妻妾與人通姦因別情將姦夫姦婦一齊殺死者

坐糧廳及各倉書役人等向關米之人勒索因而打死人命者

出哨兵弁見船覆溺阻撓不救致淹斃人命爲首阻救之人

出哨兵弁遇商船遭風覆溺人尙未死不速救護止顧撈搶財物以致商民淹斃爲從之兵丁及在船將備雖不同謀而分賊者

黔楚紅苗讐忿搶奪殺人聚衆不及五十人爲首及聚衆至百人殺人爲從下手者

貴州地方有外來流氓勾通本地棍徒將荒村居民苗人戶殺害人命擄其婦人子女計圖販賣不論已賣未賣曾否出境案內有迫脅同行在場未經下手者發遣當差爲奴之犯殺死伊管主一家三人并三人以上其不知情之子孫

嗣母繼母因姦將子女致死滅口致令伊夫絕嗣者絞監候改立決條款

誣告人絞罪所誣之人已決者

誣竊爲盜嚇詐逼認因而致死二命者

捏造姦賊欺蹟寫揭字帖及編造歌謠挾讐污蔑致被誣



之人忿激自盡者

獄卒以金刃及他物與囚致囚殺人者

獄卒陵虐罪囚剋減衣糧因而致死者

獄卒受賄謀死本犯爲從加功者

衙役恐嚇索詐致斃人命者

捕役受人賄囑將罪人致死從而加功者

挾讐放火因而殺人及有焚壓致死之爲從商謀下手燃

火者

鬪毆連斃二命者

好鬪兇徒見人鬪毆輒約夥尋釁將人父母毆斃爲從者

因事逼迫期親尊長致死者

軍民人等因事逼迫本管官致死爲首者

因事威逼平民自盡一家二命及三命而非一家者

嫡母因姦將子女致死滅口致令伊夫絕嗣者

喇嘛和尚等強姦致死人命爲從者

兵民聚衆十人以下興販私鹽拒捕殺人爲從下手者

黔楚紅苗讐忿搶奪聚衆至五十人殺人爲從下手者

以上各項人犯情罪較重如事發在逃二三年後被獲  
即改爲立決

臣等謹按此例原係二條乾隆五十三年刪併嘉慶六年改定查逃在未經到官之前者本無加罪律內業經註明即犯罪事發在逃如已被囚禁越獄之類律應加逃罪二等者若罪已至死亦法無可加獄因脫監條所云本犯應死者依常律是也蓋好生而畏死者人之常

情既已身負重罪自無樂於就捕之理故事未發而自首者律得免罪則事未發而遁逃者律不容加罪其義一也此條脫逃二三年後就獲係指逃在未經到官之先者而言雖稽誅日久不無可惡之情而畏罪念深亦有可憫之實且各條所列多屬情實應勾之犯同是一死即時至秋後於成法亦無稍撓似毋庸多此律外加重之條轉與各律互生歧異此例並所列各條款應即刪除

親屬相為容隱

○原律

凡同居謂同財共居親屬不限若大功以上親功以上居大

及外祖父母外孫妻之父母女婿若孫之婦夫之兄

弟及兄弟妻係恩有罪得彼此相為容隱奴婢雇工人亦為

家長隱者皆勿論家長不得為奴婢雇工○若漏洩其事

及通報消息致令罪人隱匿逃避者得其容隱法亦不坐

得相容隱之罪與罪人便令隱避逃走故亦不坐○其

小功以下相容隱及漏洩其事者減凡人三等無服之親

減一等謂另居小功○若犯謀叛以上者不用此律謂服

親屬犯謀反謀大逆謀叛但容隱不首者依律科罪故云不用此律

臣等謹按此律應仍其舊理合陳明

處決叛軍

○原律

凡邊境

重地

城池

若有軍人謀叛守禦官捕獲到官顯跡證佐

明白鞠問招承申報督撫提鎮審問無冤隨即依律處治

具由奏聞如在軍前

有謀叛

臨陣擒殺者

準統帥呼吸

不在此

委審公

限

事後亦須奏聞

臣等謹按此律應仍其舊理合陳明

化外人有犯

○原律

凡化外

降來

人犯罪者並依律擬斷隸理藩院者仍照原定蒙

古例

臣等謹按此仍明律

國初及雍正三年增修律內理藩院應照今制改爲理藩部謹  
將修改律文開列於後

修改

凡化外

降來

人犯罪者並依律擬斷隸理藩部者仍照原定蒙

古例

○原例

一蒙古案件有送部審理者即移會理藩院衙門將通曉蒙

古言語司官派出一員帶領通事赴刑部公同審理除內地八旗蒙古應依律定擬者會審官不必列銜外其隸在理藩院應照蒙古例科斷者會審官一體列銜

朝審案內如遇有蒙古人犯知會理藩院堂官到班會審遇有照蒙古例治罪者亦一體列銜

臣等謹按此條係雍正十一年定例乾隆五年增定現在刑部改爲法部現審事項劃歸大理院辦理理藩院亦經正名爲部所有例內刑部應改爲大理院理藩院應改爲理藩部謹將修改例文開列於後

修改

一蒙古案件有奏送大理院審理者即移咨理藩部將通曉蒙古言語司員派出一員帶領通事赴大理院公同審理

除內地八旗蒙古應依律定擬者會審官不必列銜外其  
隸在理藩部應照蒙古例科斷者會審官一體列銜  
朝審案內如遇有蒙古人犯知會理藩部堂官到班會審遇有  
照蒙古例治罪者亦一體列銜

○原例

一青海蒙古人有犯死罪應正法者照舊例在西甯監禁其  
偷竊牲畜例應擬絞解京監候之犯俟部覆後解赴甘肅  
按察使衙門監禁於秋審時將該犯情罪入於該省招冊  
咨送三法司查核

臣等謹按此條係乾隆五年定例查絞候人犯第言偷  
竊牲畜一項未爲周備應改爲其餘一切應擬絞候之  
犯解京之例久已停止應行節刪三法司係舊日名目



亦與現行官制不符應改爲法部謹將修改例文開列  
於後

修改

○一青海蒙古人有犯死罪應正法者照舊例在西甯監禁其餘一切應擬絞候之犯俟部覆後解赴甘肅按察使衙門監禁於秋審時將該犯情罪入於該省招冊咨送法部查核

○刪除

一熱河承德府所屬地方遇有搶奪之案如事主係蒙古人不論賊犯是民人是蒙古專用蒙古例如事主係民人不論賊犯是蒙古是民人專用刑律儻有同時並發之案如事主一係蒙古一係民人即計所失之賊如蒙古所失賊

重照蒙古例問擬民人所失賊重照刑律科斷

臣等謹按此條係道光二十九年定例查熱河承德府已屬內地所有案件既歸州縣審理似宜無論蒙古民人俱照刑例定擬較爲簡易此條擬即刪除

○原例

一蒙古與民人交涉之案凡遇鬪毆拒捕等事該地方官與旗員會訊明確如蒙古在內地犯事者照刑律辦理如民人在蒙古地方犯事者即照蒙古例辦理

一蒙古地方搶劫案件如俱係蒙古人專用蒙古例如俱係民人專用刑律如蒙古與民人夥同搶劫核其罪名蒙古例重於刑律者蒙古與民人俱照蒙古例問擬刑律重於蒙古例者蒙古與民人俱照刑律問擬

臣等謹按以上二例應仍其舊理合陳明

本條別有罪名

○原律

凡本條自有罪名與名例罪不同者依本條科斷○若本條

雖有罪名其心有所規避罪重者於又不此自從避所之重罪

論○其本應罪重而犯時不知者依凡人論處謂如叔姪不

別相議姪打叔傷官司推問始知是叔止依凡人論處謂如叔姪不

此依凡論同本應輕者聽從本法後方始父得不知止依打子

以之法不論

臣等謹按此律應仍其舊理合陳明

加減罪例

○原律

凡稱加者就本罪上加重

五如或人犯杖一百四十加一等即坐徒

杖七即坐杖一十年半或一年杖一百杖六十徒三年加一年等即坐杖

一百即流二千里或流二千五百里二千 稱減者就本罪

上減輕謂徒如一人犯答五十即坐杖一或答犯杖一或徒杖三

年徒二年半之類九 惟二死三流各同為一減斬二死三流謂絞

流二千即坐流二千五百里減三等即坐各徒同為一減如犯三千里者

減一等亦加者數滿乃坐九兩如贓加至四十兩一分亦不

得科之類又加罪止於杖一百流三千里不得加至於死

本條加入死者依本條加入至絞者

臣等謹按此仍明律其小註係順治年間增修惟現在



一審擬罪名除奉

特旨發遣黑龍江新疆等處外其餘罪應軍流徒杖人犯悉照本條律例問擬不得用不足蔽辜無以示懲從重加等及加數等字樣擅擬改發新疆等處並不准用雖但字樣抑揚文法其案情錯出律無正條應折衷至當援引他律他例比附酌核或實在案情重大罪浮於法仍按本律例擬罪均於疏內聲明恭候

聖裁至律例內如拒捕脫逃等項載明照本罪加等者仍各遵照辦理

臣等謹按此條係雍正八年定例嘉慶十七年改定查從前情罪較重之犯均發往黑龍江吉林等處乾隆年間始有將軍流人犯改發新疆者然尙未定有專條故

此例有不得擅擬改發新疆等語後來發遣例文日益增多遂與此例互相抵牾現在修訂刑律外遣罪名第留新疆一項並不發黑龍江即應行實發新疆各犯亦俱定有條文苟例所不載即不得加重改發自應照現章修改明晰謹將修改例文開列於後

### 修改

一發遣新疆罪名除官犯及例有正條應照例辦理外其餘三流安置以下人犯悉照本條律例問擬不得用不足蔽辜無以示懲從重加等及加數等字樣擅擬發往新疆其案情錯出律無正條應折衷至當援引他律他例酌核或實在案情重大罪浮於法仍按本律例擬罪將應行加重發遣緣由均於摺內聲明恭候



聖裁如拒捕脫逃等項載明照本罪加等者仍各遵照辦理

稱乘輿車駕

○原律

凡<sup>所</sup>稱乘輿車駕及御者<sup>之如御自天子所御在所</sup>太皇太

后皇太后皇后並同稱制者<sup>言之而</sup>太皇太后皇

太子令並同<sup>有犯毀失制書及詐為制書</sup>

臣等謹按此律應仍其舊理合陳明

稱期親祖父母

○原律

凡律稱期親及稱祖父母者曾高同稱孫者曾元同嫡孫承

祖與父母同緣坐者各從其嫡母繼母慈母養母年皆與有

與親母律同子改嫁義絕及脫股同稱子者男女同女緣坐者同

臣等謹按此仍明律其小註係順治三年及乾隆五年

增修查養母一項道光五年經大學士九卿奏明以抱

養遺棄三歲以下小兒而不為人後者為斷改為持服

一年則養母之制業與從前不同註內皆服三年喪句

應刪緣坐重法自光緒三十一年奏請革除註內緣坐

兩層亦應刪謹將律文並修改律註開列於後

修改

凡律稱期親及稱祖父母者曾高同稱孫者曾元同嫡孫承

祖與父母同其嫡母繼母慈母養母有與親母律同義改絕

及不與親母同稱子者男女同

稱與同罪

原律

凡

稱與同罪者

謂被罪人與正犯同罪其情輕

止坐其罪

正犯至死者同罪

減一等罪止杖一百流三千里

正犯他處判曰同罪不在刺字

絞斬之律若受財故縱與同罪者

其情重全科者至死其故縱

謀反叛逆者皆依本律

按斬○凡稱同罪者至死減一等○

稱准枉法論准盜論之類

事相類但准其罪亦罪止杖一

百流三千里並免刺字○稱以枉法論及以盜論之類

和事

等而情並重

皆與正犯同刺字絞斬皆依本律科斷

然所得若

律外引不得而同焉

臣等謹按此仍明律其小註係順治年間及雍正三年

增修惟自光緒三十一年奉

旨將刺字革除流罪附杖亦於是年奏請寬免充軍爲民等項此次

修定刑律亦擬改變名目所有律文及律註各節有與  
現行刑制不符之處均應分別刪改謹將修改律文及  
律註開列於後

修改

凡律稱與同罪者謂被累人與正犯至死者同罪

減一等罪止流三千里不在絞斬之律若受財故縱與同

罪者其情全科者其故縱謀反叛逆者皆依本律斬絞○

凡稱同罪者至死減一等○稱准枉法論准盜論之類指事

類而但准其罪亦罪止流三千里稱以枉法論以盜論之

類指事相重等而皆與正犯同絞斬皆依本律科斷者然所得同

則律外不得例發違等

稱監臨主守

○原律

凡

律

稱監臨者，內外諸司統攝所屬有文案相關涉及

駐劄處

衙門帶兵額

雖非所管百姓，但有事在手者，即為監臨。稱

主守者，

衙門內外各

該管文案吏典專主掌其事及守掌倉庫

獄囚雜物之類官吏庫子斗級攢攔禁子並為主守。○其

職雖非統屬但臨時差遣管領提調者亦是監臨主守  
臣等謹按此律應仍其舊理合陳明

稱日者以百刻今時憲書刻每日計九十六刻

○原律

凡稱一日者以百刻犯滿罪乃違律計計工者從朝至暮不以

限稱一年者以三百六十日如秋糧違限不得為一年稱人

年者以籍為定謂籍中人年為紀以稱衆者三人以上稱謀者

二人以上謀狀顯跡明白者雖

臣等謹按此仍明律其小註係順治年間增修明代一日十二時每時初正八刻子午則十刻故稱日者以百刻今時憲書子午亦八刻每日計九十六刻應於律內添註仍遵照時憲書每日計九十六刻二語以免疑誤謹將律文並修改律註開列於後

修改



凡

律

稱一日者以百刻

照犯

時罪

違

害律

計

數

計

滿

九

乃

十

坐

六

仍

刻

遵

計

工

者

從朝至暮

初不

以

百

限

稱一年者

以三百六十日

如

三

休

禮

違

十

限

三

百

五

十

限

三

百

五

十

限

三

九

日

亦

不

稱人年者

以籍爲定

附

謂

籍

年

人

甲

年

爲

紀

以

稱衆者

三

人

以上

稱謀者

二人以上

謀

狀

同

二

人

明

之

白

法

人

以上

稱謀者

二人

以上

一

謀

狀

同

二

人

明

之

白

法

者

難

三

人

以上

稱謀者

二人

以上

一

謀

狀

同

二

人

明

之

白

稱道士女冠

○原律

凡 律 稱道士女冠者僧尼同

如道士女冠犯姦加凡

若於其

受業師與伯叔父母同

如俗人爲伯叔父母同受業師謂年如道士僧尼爲伯叔父母同受業師謂

於寺觀之內親承其於弟子與兄弟之子同

兄弟之子同

尼一百徒三年同罪

臣等謹按此仍明律其小註係順治年間增修註內徒

罪附杖應照章節刪謹將律文並修改律註開列於後

修改

凡 律 稱道士女冠者僧尼同

如道士女冠犯姦加凡

若於其

受業師與伯叔父母同

如俗人爲伯叔父母同受業師謂年如道士僧尼爲伯叔父母同受業師謂

受業師與伯叔父母同

其於弟子與兄弟之子同

如俗人爲伯叔父母同受業師謂年如道士僧尼爲伯叔父母同受業師謂

僧尼同殿  
罪殺

斷罪依新頒律

○原律

凡律自頒降日爲始若犯在已前者並依新律擬斷在如未事經

定例之先仍依律及已行之例定擬其定例內有違限以年月者俱以限定年月爲斷若例應輕者照新例有違限以

臣等謹按此律應仍其舊理合陳明

○原例

一律例

頒布之後凡問刑衙門敢有恣任喜怒引擬失當或移情就例故

入人罪苛刻顯著者各依故失出入律坐罪

臣等謹按此例應仍其舊理合陳明

斷罪無正條

○原律

凡律令該載不盡事理若斷罪無正條者預引他律比附應加應減定擬罪名申該司議定奏聞若輒斷決致罪有出入以故失論

臣等謹按此律應仍其舊理合陳明

○原例

一引用律例如律內數事共一條全引恐有不合者許其止引所犯本罪若一條止斷一事不得任意刪減以致罪有出入其律例無可引用援引別條比附者刑部會同三法司公同議定罪名於疏內聲明律無正條今比照某律某例科斷或比照某律某例加一等減一等科斷詳細奏明

恭候

諭旨遵行若律例本有正條承審官任意刪減以致情罪不符及故意出人人罪不行引用正條比照別條以致可輕可重者該堂官查出即將承審之司員指名題參書吏嚴拏究審各按本律治罪其應會三法司定擬者若刑部引例不確許院寺自行查明律例改正倘院寺駁改猶未允協三法司堂官會同妥議如院寺扶同朦混或草率疏忽別經發覺將院寺官員一併交部議處

臣等謹按此條係雍正十一年定例專爲刑部現審而設現在刑部改爲法部現審劃歸大理院亦無三法司名目例內前後各節與近今辦法不符且例意重在比附加減恐一有不慎致滋流弊自應改爲內外問刑通

例將刑部會同議罪並院寺駁改各層概行節刪謹將  
修改例文開列於後

### 修改

一引用律例如律內數事共一條全引恐有不合者許其止  
引所犯本罪若一條止斷一事不得任意刪減以致罪有  
出入其律例無可引用援引別條比附者問刑衙門務宜  
詳慎斟酌情節聲明律無正條今比照某律某例科斷或  
比照某律某例加一等減一等科斷案應具奏者詳細奏  
明恭候

諭旨遵行若律例本有正條承審官任意刪減以致情罪不符及  
故意出入人罪不行引用正條比照別條以致可輕可重  
者該上司查出或干部院駁詰將承審之員指名奏參按

律治罪



○原律

徒流遷徙地方

凡徒役各照應徒年限並以到配所之日爲始限滿釋放流犯照依本省地方計所犯應流道里定發各處荒蕪及瀕海州縣安置應遷徙者遷離鄉土一千里外

徒五等

發本省驛遞

流三等

直隸布政司府分流陝西

江南布政司府分流陝西

安徽布政司府分流山東

山東布政司府分流浙江

山西布政司府分流陝西

河南布政司府分流浙江

陝西布政司府分流山東

甘肅布政司府分流四川

浙江布政司府分流山東

江西布政司府分流廣西

湖北布政司府分流山東

湖南布政司府分流四川

福建布政司府分流廣東

廣東布政司府分流福建

廣西布政司府分流廣東

四川布政司府分流廣西

貴州布政司府分流四川

雲南布政司府分流四川

臣等謹案此條律目仍明之舊律文則係雍正三年改定查一代刑名每相沿而成制現行律例所載五刑而外尙有充軍及外遣名目雖屬閔刑然五軍係前明創設原本實邊之意

國朝裁撤軍衛而充軍之名猶復遞相沿用未之或改發遣一項

國初於情罪較重者第發尙陽堡寧古塔或烏喇地方安插後並發往齊齊哈爾黑龍江等處爲奴乾隆年間始有發遣新疆分別當差爲奴者同治以後又復改發內地充軍其制屢經變易名實早已不符此次修訂刑律凡從

前充軍各項第擬留極邊及煙瘴兩項並正其名曰安置是爲內遣凡從前發遣名目第擬留新疆種地當差一項是爲外遣至遷徙之制則以久未實行擬一律廢除不用此條律目應請改爲五徒三流二遣地方並於律內添人安置發遣辦法以資遵用新章徒罪留於本地收所習藝並不發配現在三流應配者其發往省分按照道里表定地亦與本律所載不符所有律內以到配所之日爲始並應遷徙者遷離鄉土一千里外及徒五等流三等以下各條均應節刪謹將修改律文開載於後

修改

五徒三流二遣地方

凡徒役各照應徒年限收入本地習藝所工作限滿釋放流  
犯照依本省地方計所犯應流道里定發該內遣者發往  
極邊足四千里及煙瘴省分以東廣西雲南貴州安置該外遣者發  
往新疆酌撥種地當差

○原例

一各省民人流寓在京在外犯該軍流徒罪並免死減等之  
犯其有應追銀兩訊明本犯原籍有產可賠者移查明確  
將該犯解回原籍追銀完交後照應配地方發配將所完  
銀兩移交犯事地方分別給主如無應追銀兩或贓項已  
經追完及移查原籍並無產業者徒犯即在犯事地方定  
地充徒軍流人犯於犯事地方按本犯原籍應配地方起  
解發配若計原籍應配之地即係該犯流寓之所令各該

督撫按所犯應流應充軍道里遠近分別改發仍迴避原籍相近之地

臣等謹按此例原係四條乾隆五十三年修併查新章徒罪並不發配充軍改爲安置與三流人犯俱以常赦得原與否爲發配不發配之分所有例內軍流徒犯照應配地方發配之處俱應分敘明晰以資引用謹將修改例文開列於後

### 修改

一各省民人流寓在京在外犯該徒流安置罪名並免死減等之犯其有應追銀兩訊明本犯原籍有產可贖者移查明確將該犯解回原籍追銀完交後徒犯即收入習藝所按限工作流置各犯無庸發配者亦即收所工作應行發

配者即由原籍督撫定地將所完銀兩移交犯事地方分別給主如無應追銀兩或贓項已經追完及移查原籍並無產業者徒罪與毋庸發配之流置人犯均在犯事地方收所習藝其流置應行發配之犯即於犯事地方按本犯原籍應配地方起解發配若計原籍應配地方即係該犯流寓之所令各該督撫按照所犯流置道里遠近分別改發仍迴避原籍相近之地

○原例

一各省僉發軍流人犯除廣西土司所屬地方不得撥發安置並廣東瓊連二屬及四川湖南有苗民州縣令解巡撫衙門就地方情形通融派撥不得與苗民聚處外餘俱按照軍流道里表內應發省分毋庸指定府州悉聽該省督

撫按其所犯罪名查照軍流道里表酌量州縣大小遠近在配軍流多寡均勻撥發起解省分預行咨明應發省分督撫先期定地飭知入境首站州縣隨到隨發其解犯兵牌內填明解赴某省入境首站某州縣遵照定地轉解配所投收申繳字樣

臣等謹按此例原係五條乾隆五十三年刪併查例內前後分作兩層前一層係爲廣西廣東四川湖南等省有土司及苗民地方不便安插軍流故須先解巡撫衙門通融派撥此四省所異者也後一層係無土司苗民省分由起解地方預行咨明配所各督撫先期定地飭知入境首站州縣隨到隨發毋庸解赴督撫衙門儘可轉解配所此各省所同者也竊謂同是撥發軍流人犯



未便辦理兩歧廣西等四省雖有土司苗民若起解省分既不指定府州則該省督撫自可於無土司及苗民州縣先行定地所有解赴巡撫衙門一層應行刪節至土司不僅廣西所屬貴州亦有苗民廣東瓊連二府州則有黎瑤而無苗俱應酌量修改不必指定省分若僉妻之例久經停止例首僉發字亦應酌改謹將修改例文開列於後

### 修改

一凡流置人犯發配查明道里表內應發省分預行咨明配所各督撫毋庸指定府州各督撫接咨後除有土司及苗瑤黎獍等雜處地方不得派撥發往外餘俱視所犯罪名按照各州縣道里遠近在配人犯多寡均勻定地先期飭

知首站州縣隨到隨發不必解赴督撫衙門其起解省分並於解犯兵牌內填明解往某省入境首站州縣遵照定地轉解配所投收申繳字樣

○原例

一凡由新疆條款改發雲貴兩廣烟瘴地方人犯無論在四千里內外均編發有煙瘴省分安置其籍隸煙瘴之雲南貴州廣東廣西四省應發煙瘴人犯應於隔遠煙瘴省分調發廣東省與雲南省互調廣西省與貴州省互調至不足四千里鄰近煙瘴之湖南福建四川三省應發烟瘴人犯湖南省發往雲南福建省發往貴州四川省發往廣東其餘各省有距烟瘴省分較遠者如奉天府屬應發煙瘴人犯編發廣西貴州二省甘肅之甘州涼州西甯安西甯

夏等府及肅州各屬應發煙瘴人犯編發雲南貴州二省均解交各該巡撫衙門酌撥安置

臣等謹按此條係乾隆三十二年纂例三十七年改定查從前由新疆條款改發雲貴兩廣煙瘴地方人犯此次均於本例修改明晰嗣後係屬例發並非改發例首兩語應行節刪現在新疆及吉林黑龍江均改設行省與內地一律應於奉天府下添入吉林黑龍江肅州下添入新疆各屬庶不至有所遺漏謹將修改例文開列於後

### 修改

一凡各省應發烟瘴人犯無論在四千里內外均編發有烟瘴省分安置其籍隸烟瘴之雲南貴州廣東廣西四省應

發烟瘴人犯應於隔遠烟瘴省分調發廣東省與雲南省互調廣西省與貴州省互調至不足四千里鄰近烟瘴之湖南福建四川三省應發烟瘴人犯湖南省發往雲南福建省發往貴州四川省發往廣東其餘各省有距烟瘴省分較遠者如奉天吉林黑龍江應發烟瘴人犯編發廣西貴州二省甘省之甘州涼州西甯安西甯夏肅州等府州及新疆各屬應發烟瘴人犯編發雲南貴州二省均預行咨明各該督撫先期酌量定地飭知入境首站州縣徑行解往照例辦理

〇原例

一發遣伊犁烏魯木齊並吉林黑龍江等處人犯該將軍都統等務酌量所屬各地方大小均勻派撥分別安插於每

年十月截數將該處一年內發到遣犯名數同節年間發到配遣犯現存共計若干名並該處安插遣犯有無脫逃及已未拏獲各數目詳細聲敘咨報軍機處刑部均限十二月初旬咨齊照例彙奏

臣等謹按此條係發遣人犯酌量安插並令每年年終報部彙奏之例查光緒三十一年刑部奏定罪犯習藝章程三流充軍人犯無論發配與否俱有工作年限遣犯除強盜搶奪會匪棍徒外其餘並未議及今擬發往新疆第留種地當差並不爲奴此等遣犯如發配以後僅照舊例分別安插則視流置罪犯到配應需工作者輕重未免失倫擬請嗣後發遣新疆當差人犯到配以後收入習藝所工作十二年限滿再由該撫派撥種地

責令當差於例內添敘明晰以資遵守再平民發遣罪名近來並不發吉林黑龍江每年遣犯名數應否由法部彙奏亦毋庸分咨軍機處所有例首吉林黑龍江等處及例末咨報軍機處等語均應節刪謹將修改例文開列於後

### 修改

一發遣新疆人犯到配後該撫即將該犯收入習藝所工作十二年限滿酌量所屬地方派撥種地責令當差並於每年十二月初旬將該處一年內發到遣犯名數同節年問發到配遣犯現存共計若干名並該處安插遣犯有無脫逃拏獲詳細暨敘咨報法部照例彙奏

### ○原例

一犯罪發往伊犁等處種地人犯如年老力衰不能耕種納糧者令該將軍等酌量該犯年力應當差使責令承充官給與半分口糧以資養贍仍令該管處管束

臣等謹按此條係乾隆四十二年定例查新疆現在已設巡撫伊犁等處統在新疆行省之內所有遣犯應歸新疆巡撫安插例內該將軍字應行的改謹將修改例文開列於後

### 修改

一犯罪發往新疆種地人犯如年老力衰不能耕種納糧者令該撫酌量該犯年力應當差使責令承充官給與半分口糧以資養贍仍令該管官管束

### ○原例

一凡發遣人犯酌定名數分起解送如案內人犯衆多至五  
名以上者每五名作一起先後解送至起解時務必如法  
鎖鑰將年貌鎖鑰填註批內接遞官必按批驗明鎖鑰完  
全於批內註明完全字樣鈐蓋印信轉遞前途倘解役人  
等有受賄開放者計贓照枉法律治罪若轉解之該地方  
官因前途未曾鎖鑰不復行查不補加鎖鑰聽其散行將  
該地方官與前途未曾鎖鑰官均按罪犯輕重交部分別  
議處

臣等謹按此條係爲發遣人犯起解時應行鎖鑰而設  
例內解役之治罪地方官之議處與此律不相符合應  
移入主守不覺失囚門以昭畫一從前發遣人犯均係  
解送刑部轉發是以有酌定名數之法現在係由各省



自行發往亦與昔日不同例首分起解送以下數語應  
行節刪謹將移改例文開列於後

移改

主守不覺失囚

○一凡發遣人犯起解時務必如法鎖鑰並將年貌鎖鑰填註  
批內接遞官必按批驗明於批內註入鎖鑰完全字樣鈐  
蓋印信轉遞前途倘解役人等有受賄開放者計贓照枉  
法律治罪若轉解之地方官因前途未曾鎖鑰不復查明  
補加聽其散行將該地方官與前途未曾鎖鑰官均按罪  
犯輕重交部分別議處

○原例

一凡發往軍臺効力廢員三年期滿臺費全數繳完者由軍

臺都統抄錄獲罪原案具奏請

旨如不能完繳臺費者文職州縣以上武職都司以上均由兵部行文各旗籍任所查明委係赤貧具結到部兵部知照軍臺都統該都統即抄錄獲罪原案並聲明無力完繳臺費將該廢員再行留臺五年緣由具奏請

旨如能於留臺五年限內完繳者准該都統隨時具奏請

旨釋回倘有隱匿寄頓情弊發往烏魯木齊永遠充當苦差其文職佐雜武職守備以下各員弁不能完繳臺費者於期滿之日例應杖一百徒三年仍令該都統抄錄獲罪原案聲明不能完繳臺費例應改擬杖徒緣由具奏請

旨此內有仰邀

特恩釋回者兵部行文該都統將其釋回其照例改爲杖徒者行

文該都統將旗員解交刑部照例辦理漢員解交各該原籍督撫定驛充徒

一文武員弁犯徒及總徒四年准徒五年者即在犯事地方定驛發配年限滿日釋放回籍

臣等謹按以上二例前條係嘉慶十二年纂例道光八年改定後條係乾隆十年定例原有枷號鞭責二語嗣於光緒三十三年臣館遵議滿漢通行刑律摺內以枷號鞭責現俱停止將二語節刪改從今例查官犯發往軍臺始於乾隆六年尙書訥欽等欽遵

諭旨奏准原係指侵貪之案完贓後減爲徒流者而言嗣後辦理官犯案件有奉

特旨發往軍臺者亦有從重擬發軍臺者相沿日久凡職官犯徒

罪者遂多發往軍臺猶之官員犯軍流以上多發往新疆也完繳臺費一層原以懲戒貪墨是以有隱匿寄頓之文若因別事獲罪則坐臺三年期滿即可抵應得徒罪又令完繳臺費不幾加倍示罰乎至臺費未能完繳知縣以上復令留臺五年計前後應需八年與新章流二千五百里工作年限無異佐雜以下復令充徒三年前後應需六年亦嫌與新章流二千里工作年限無異且文武官犯徒罪者亦定驛發配例內自有專條其發往軍臺者並未纂爲定例原非不論情節一概從重若不量爲區別殊非所以持情法之平惟新章徒罪皆收所習藝並不發配文武官若亦照新章辦理窒礙殊多亟應將此二例修併以資遵守今擬凡文武員弁犯五

徒及總徒四年准徒五年者均發軍臺効力其年限以應徒之年爲斷限滿即行釋放毋庸呈繳臺費如係侵貪之案仍令完繳臺費限滿後奏請釋回其無力完繳者於應徒年限已滿之後奏明再行留臺三年限滿即行釋放不必再行奏請所有例內臺費全數完繳及不能完繳臺費再行留臺並照例改爲杖徒定驛發配各層均應節刪謹將修併例文開列於後

### 修併

一凡文武員弁犯五徒及總徒四年准徒五年者均發軍臺効力其年限以應徒之年爲斷限滿即行釋放毋庸呈繳臺費如係侵貪之案仍令完繳臺費限滿後奏請釋回其無力完繳者於應徒年限已滿之後奏明再行留臺三年

限滿即行釋放分咨法部陸軍部存查不必再行奏請

○原例

一發遣新疆及黑龍江吉林等處効力官犯如從前所犯僅止革職及山徒杖等罪加重發遣者到戍後已滿三年聽該將軍都統及各該處辦事大臣具奏奉

旨准其釋回者即令回旗回籍若原犯軍流從前加重改發者定限十年期滿該將軍等遵例奏

聞如蒙

允准亦即令各回旗籍毋庸仍照原犯軍流再行發配若三年十年期滿具奏奉

旨再留幾年者俟所留年限滿日即行照例釋回不必復奏

一發遣新疆廢員派令管理鉛鐵等廠該將軍都統等詳核

案情輕重摘叙原犯罪由報部核覆情罪較重者不准管理其情節較輕之員准其管理俟兩年期滿如果妥協除原犯徒杖例止三年奏請者毋庸置議外其原犯軍流例十年奏請者准其於十年之內酌減三年奏

聞請

旨如蒙

允准即令各回旗籍

臣等謹按以上二條俱係發遣新疆等處効力廢員分別三年十年奏請釋回之例查從前發往新疆官犯有由杖徒加重發往者有由軍流加重改發者是以分別定限奏請釋回此次定例官員犯係徒罪奏請發往軍臺犯至三流安置奏請發往新疆此後新疆官犯自無

由杖徒加重發往之人例內到戍已滿三年請

旨釋回一節應行節刪至廢員派令管理鉛鐵等廠係屬効力中事即使始終奮勉亦屬分所應爲若因此酌減年限恐紛紛開脫適足以開方便之門後條末層亦應刪節再官員發遣新疆例係指犯至流置等罪而言如本罪已至外遣作何辦理例無明文似應酌加年限方不至無所區別今擬將兩條修併爲一並補入本罪已至外遣酌加効力年限一層庶司獄者有所遵守謹將修併例文開列於後

### 修併

一發遣新疆効力廢員由該省巡撫酌量差使或派令管理鉛鐵等廠十年期滿原犯係流置等罪加重收發者該撫



即奏請釋回如原犯已至外遣由本罪發往者再行留戍  
五年限滿仍具奏請

旨

○原例

一直省軍流遣犯及實發新疆並由新疆條款改發內地人  
犯未起解者十月至正月終及六月俱停其發遣若已至  
中途初冬十月經過州縣照常接遞至十一月初一日方  
准停遣俟次年二月轉解如遇六月照前停遣倘抵配不  
遠并發往東南省分各項人犯有情願前進赴配者取具  
本犯確供一體起解並將不行停遣緣由移咨前途接遞  
仍報刑部惟雲南省並無盛暑嚴寒各省解往軍流遣犯  
已入該省邊境者不必停遣其起解之時有情願前進者

亦照解往東南省分之例辦理其軍流遣犯在配脫逃例  
應解回原配及改調他省者雖遇隆冬盛暑不准停遣其  
民人在外省犯徒例應遞回原籍發配之犯若離籍在一  
千里外者時遇隆冬盛暑亦准停解其起解及接遞州縣  
如有將應行停解之犯而不停解及將不應停解之犯擅  
行停解者均交吏部照例議處

臣等謹按此例原係五條乾隆五十三年修併嘉慶六  
年改定查例內情願前進一層第云東南省分如發往  
西北各省有情願前進者自係不在允准之列然西北  
雖屬嚴寒究無盛暑且本犯既已自願似應無分南北  
一體准其起解至由新疆改發內地業於各例修明作  
爲本罪以後自無此等款目徒犯新章並不發配軍流

脫逃現擬亦不改調他省例內各節俱應節刪詳將修  
改例文開列於後

修改

一凡流遣應行發配人犯未起解者十月至正月終及六月  
俱停其解發若已至中途初冬十月經過州縣照常接遞  
至十一月初一日方准截止俟次年二月轉解如遇六月  
照前停留倘抵配不遠並於未起解之先本犯有情願前  
進赴配者取具該犯確供一體起解並將不行停解緣由  
移咨前途接遞仍報法部惟雲南省並無盛暑嚴寒各省  
應配人犯已入該省邊境者照常轉解至流遣各犯脫逃  
被獲例應解回原配雖遇隆冬盛暑不准停止其民人在  
外省犯罪應行遞回原籍發配者若離籍在一千里以外

遇例應停解月分亦准停解其起解及接遞州縣如有將應行停解之犯而不停解及將不應停解之犯擅行停解者均交吏部照例議處

○原例

一回民除犯該尋常軍流尙無兇惡情狀者仍按表酌發外如有結夥三人以上執持兇器傷人並搶奪數在三人以下審有糾謀持械逞強情狀者俱實發雲貴兩廣極邊烟瘴充軍至竊劫烟瘴之雲貴兩廣四省回民如犯前項兇毆糾搶等情仍照定例於隔遠烟瘴省分互相調發俱不得編發甘肅等省回民聚集之地

一凡內地回民犯罪應發回疆及回民在新疆地方犯至軍流例應調發回疆者俱實發雲貴兩廣極邊烟瘴充軍

臣等謹按以上二條係回民犯軍遣不准發往甘肅及回疆之例查前條無兇惡情狀者按表的發其有兇惡情狀者第指明結夥三人以上兇器傷人並搶奪數在三人以下兩項未爲周備後條新疆犯罪互相調發係屬嘉慶以前舊例道光六年俱改爲解回內地充軍亦與從前辦法不符惟回民素稱兇悍其犯應發遣者迴避回民聚集地方係屬預防滋事之意今擬將兩條修併爲一第聲明回民犯至極邊及新疆者不得發往甘肅等省及回疆地方毋庸指定罪名似較賅備謹將修併例文開列於後

### 修併

○一回民犯罪應發極邊安置者毋庸編發甘肅等省回民聚

集之處其犯該發遣新編者亦不得發往回疆地方

○續纂

一凡犯總徒四年准徒五年者俱照應徒年限收入本地習藝所工作限滿釋放其犯三流及極邊或烟瘴地方安置者核其所犯罪名如係常赦所不原即按道里表定地發配到配一律收所習藝流二千里者限工作六年二千五百里者限工作八年三千里者限工作十年極邊及烟瘴地方安置者工作十二年限滿俱釋放有不願回本籍者並准在配所地方入籍爲民如係常赦所得原無論流置俱毋庸發配即在本籍或犯事地方收所習藝工作年限照前科算限滿即行釋放犯至外遣者到配工作十二年限滿仍令種地當差不准回籍

臣等謹按光緒二十九年四月刑部議覆升任山西巡撫趙爾巽奏請各省通設罪犯習藝所一摺內稱嗣後各省軍流罪犯爲常赦所不原者照定例發配到配一律收所習藝流二千里者限工作六年流二千五百里者限工作八年流三千里者限工作十年軍犯即照滿流年限科斷限滿即行釋放聽其自謀生計並准其在配所地方入籍爲民若爲常赦所得原者其罪既有減免之時即其人終有釋回之日無論軍流俱毋庸發配即在本省收所習藝工作年限亦照前科算限滿即行釋放等因奉

旨依議欽此欽遵通行在案自應纂輯爲例藉資遵用惟是新章沿用五軍之舊故工作年限軍罪照滿流科斷不復分別

此次修訂刑律曾經奏准將五軍內附近近邊遠三項併入三流仍留極邊烟瘴二項爲滿流加等之用其充軍字樣均改爲安置則安置之與滿流自不得不略分輕重今擬將極邊及烟瘴兩項人犯定爲工作十二年底罪名既分等差斯輕重不至無所區別至徒罪按照應徒年限工作業已定入律文而總徒准徒新章並未議及外遣本較充軍爲重此次第留新疆當差一項亦應與安置罪名稍示區別擬於例首添叙總徒准徒辦法並於例末添入外遣人犯工作十二年限滿不准釋回一層以昭賅備合併聲明

〇續纂

一凡新疆民人犯該外遣者改發廣東廣西烟瘴地方到配



收入習藝所工作十二年限滿由該地方官酌量安插不准回籍

臣等謹按此次修訂刑律外遣罪名第擬留新疆當差一項並擬工作限滿後不准釋回以示別於尋常流置罪犯之意惟籍隸新疆民人犯至外遣作何辦理例無明文從前在新疆地方犯事有南北調發之例究屬爾時辦法查籍隸烟瘴之雲貴兩廣四省應發烟瘴人犯定例於隔遠烟瘴省分調發擬略仿其意凡新疆人民犯至外遣者改發廣東廣西烟瘴地方到配收入習藝所工作十二年限滿由該地方官酌量安插不准回籍蓋改發廣東廣西既與本犯烟瘴者有道里遠近之差而限滿不准釋回亦與外遣本例不至兩相窒礙謹擬

定入條文藉資引用理合聲明

〇續纂

一凡三流安置外遣人犯如犯係強盜搶奪會匪棍徒等項到配收入習藝所充當折磨苦工工作年限俱照本例科算限滿係外遣人犯仍令種地當差係三流安置人犯分撥配所各州縣安插令地方官嚴加管束不准回籍

臣等謹按光緒二十九年四月刑部議覆升任山西巡撫趙爾巽奏請各省通設罪犯習藝所摺內聲稱嗣後遣軍流罪各犯如係強盜搶奪會匪棍徒等項仍照定例發配罪應遣軍者到配加監禁十年罪應擬流者到配加監禁五年俟監禁限滿概行收入習藝所皆令身帶重鐐充當折磨苦工遣軍以二十年爲限流犯以十

年爲限限滿分撥各州縣安置聽其各自謀生仍令地方官按月點卯嚴加管束等因奏准通行在案查強盜搶奪等項情節雖視尋常罪犯爲重而一犯至遣軍到配既加監禁十年復令充當折磨苦工二十年前後統需三十年所犯係流罪到配既加監禁五年復令充當折磨苦工十年前後統需十五年刑期未免過長似應量加變通擬酌留充當折磨苦工一層年限則仍以本例爲斷限滿係外遣人犯仍令種地當差係三流安置人犯分撥配所各州縣安插令地方官嚴加管束以示別於尋常遣流之犯謹將酌量變通辦法纂輯爲例以資遵用

○刪除

一民人在京犯該徒罪者順天府尹務於離京五百里州縣定地充配至外省徒罪人犯該督撫於通省州縣內核計道里遠近的量人數多寡均勻酌派俱不拘有無驛站交各州縣嚴行管束俟徒限滿日釋放回籍安插

臣等謹按自光緒二十九年刑部奏定罪犯習藝章程凡徒犯俱不發配留於本地習藝所按限工作例內所云俱與現在辦法不符無關引用應即刪除

### ○刪除

一賞給爲奴人犯除例應賞給功臣之人外其發往黑龍江吉林及各省駐防爲奴者先儘未有遣奴之官員分給每員不得過二名再儘未有遣奴之兵丁分給每兵只給一名其賞給將軍副都統之處永行停止

一發遣回城爲奴人犯先行的給印房各章京筆帖式等役使該章京等於卸任時列入交代不准攜回本旗俟撥給章京等足敷役使再分給大小伯克爲奴毋庸分給小回子以免拖累

一曾爲職官及進士舉貢生員監生并職官子弟犯該發遣烏魯木齊黑龍江等處如祇係尋常過犯不致行止敗類者發往當差其應發駐防者亦改發烏魯木齊當差若係黨惡窩匪卑污下賤者俱照民人一例發遣爲奴

一民人發往伊犁烏魯木齊等處爲奴遣犯如在配安分已逾十年者止令永遠種地不准爲民若發往當差遣犯果能悔過後改定限五年編入該處民戶冊內給地耕種納糧俱不准回籍其有到配後呈請願入鉛鐵等廠効力捐

資者除奉

特旨發遣爲奴及有關大逆緣坐發遣爲奴並叛案干連邪教會匪及臺灣聚衆搶奪殺人放火爲從各項人犯俱不准做工幫捐外其餘無論當差爲奴罪由輕重咨部記檔准其入廠設日久怠惰滋事隨時懲治逐出若果能始終實心悔過入廠五年期滿俱准其爲民收入該處民戶冊內查係當差人犯再効力十年准其回籍爲奴人犯詳核原犯罪由罪重者不准留廠罪輕者報部核覆再加十二年如果始終効力奮勉准其回籍

臣等謹按以上四條俱係發遣黑龍江吉林及新疆回城伊犁烏魯木齊等處並各省駐防官兵爲奴之例惟新疆等處爲奴人犯已於同治年間奏准改發內地行

之將四十年並無窒礙即駐防爲奴一項此時亦擬停發說詳後條此四例但已無關引用應即刪除

○刪除

一新疆各城駐劄官員兵丁之跟役如有酗酒滋事在烏爾木齊一帶者發往伊犁等處在伊犁一帶者發烏什葉爾羌等處在烏什各城者發往伊犁等處交與該將軍等駐防官兵內揀選力能管束之人賞給爲奴若發遣之後仍不悛改復行酗酒者在配所用重枷枷號三個月杖一百發落至新疆等處綠營兵丁有犯吃酒行兇如平日安分偶爾醉鬧尙無兇惡情狀者該將軍都統等自行責革若屢次酗酒行兇怙惡不悛者審明屬實即照跟役酗酒滋事例擬發視其情罪輕重量爲酌定輕者當差重者給

官兵爲奴

臣等謹按此條係乾隆二十八年纂例經歷次修改至道光三年改定例係爲新疆滋事人犯不准解回內地而設查民人奴僕有犯酗酒行兇例第流二千里官兵兵丁跟役竟調發駐防官兵爲奴未免過重且綠營兵丁有犯亦與跟役一例尤未平允然自定例以後罕見此等案件現在爲奴之法亦擬永遠停止此例即屬無關引用應即刪除

○刪除

一烏嚙木齊等處安插兵民犯軍流者除照例折責外仍留烏嚙木齊照發往種地人犯分給屯鄉與種地兵丁一體種地納糧倘復有滋事脫逃等情枷號兩個月改給烏嚙



木齊兵丁爲奴犯該徒罪者照犯罪免發遣折枷例加一等折枷免其充徒係民人仍令種地係兵交地方官指給地畝耕種納糧其換班綠旗兵丁及內地貿易商民於新疆地方犯至軍流之罪者俱解回內地各按犯籍定地發配若犯該徒罪者係換班綠旗兵丁仍留該處不給口糧在種地處効力照應徒年限扣算滿日再行發回係內地民人仍解回內地照例辦理

臣等謹按此例原係二條乾隆五十三年修併道光六年改定查烏嚕木齊等處安插兵民係指乾隆二十六年招來之墾戶及二十九年安西移駐之營兵而言其換班綠旗兵丁係指乾隆二十三年駐兵屯田後經改爲五年一更換者而言俱屬爾時辦法迨後新疆改設

行省已無此等兵民即犯罪免發遣之律現在已廢除  
不用今昔情形不同此條係屬舊例應即刪除

〇刪除

發往伊犁烏喇木齊等處遣犯如在配安分復能將該處  
脫逃遣犯拏獲者除逃遣照例辦理外其獲犯之遣犯無  
論當差爲奴不拘年限准爲彼處之民不准回籍若爲民  
後又能拏獲逃人即准其回籍其在廠在配年滿爲民遣  
犯有能拏獲逃遣者亦准回籍倘逃犯力壯一人不能緝  
拏者止許添一人幫拏概不得過二人

臣等謹按此條係乾隆五十二年定例查從前新疆遣  
犯脫逃一經拏獲例應即行正法是以拏獲此等入犯  
即准爲民現在遣犯脫逃被獲並不正法如有拏獲逃

道者儘可酌量給賞毋庸定爲專條此例應即刪除

○刪除

一凡新疆條款內改發雲貴兩廣煙瘴地方人犯仍照舊例  
實發烟瘴外其本例應發四省煙瘴地方充軍人犯均以  
極邊四千里爲限按照五軍道里表內應發省分解交巡  
撫衙門均勻酌發充當苦差照例分別刺字如有脫逃亦  
各照本例分別治罪

臣等謹按此條係爲調劑煙瘴充軍人犯而設惟此次  
修訂刑律其間發極邊及煙瘴地方安置人犯均於本  
例修改明晰並無由新疆改發名目即罪應流置人犯  
定例按照道里表預行咨明應發省分督撫先期定地  
飭知入境首站州縣隨到隨發亦不解交巡撫衙門刺

字則業經奏請寬免例內各層俱與近今辦法不符無  
關引用應即刪除

○刪除

一應行發遣黑龍江吉林等處人犯除宗室覺羅太監並八  
旗另戶正身各省駐防正身旗人及民人曾爲職官暨舉  
貢生員監生或職官子弟等項仍照原例發往其前項內  
應發新疆烏魯木齊等處者亦改發黑龍江吉林等處分  
別當差爲奴交該將軍均勻酌撥安插其餘應發黑龍江  
爲奴條例內如閩省不法棍徒私充客頭包攬過臺引誘  
偷渡之人中途謀害未死爲從同謀者夥衆將良人子弟  
搶去強行雞姦餘犯擬遣者開黨誘取婦人子女勒賣爲  
從者夥衆強搶犯姦婦女已成爲首者強姦犯姦婦女已

成致本婦羞愧自盡者輪姦良人婦女已成案內餘犯同謀未經同姦者因而殺死本婦同謀並未下手又未同姦者致本婦自盡同謀未經同姦者輪姦良人婦女未成爲首者因而殺死本婦爲從未經下手者致本婦自盡爲從者輪姦犯姦婦女已成爲首者因而殺死本婦同姦並未下手者致本婦自盡爲從同姦者輪姦犯姦婦女未成因而殺死本婦係毆殺幫同下手者致本婦自盡爲首者強姦十二歲以下幼女幼童未成者奴及雇工人調姦家長之母與妻女未成者共十八條俱改爲實發雲貴兩廣極邊煙瘴充軍無庸以足四千里爲限面刺改發二字如在配脫逃被獲用重枷枷號三個月倘在配滋事及逃後行兇爲匪并拏獲時有拒捕者俱照平常遣犯治罪

臣等謹按此條係同治九年定例查此次修訂刑律八  
旗另戶正身及各省駐防旗人並民人曾爲職官等項  
均不實發黑龍江吉林等處爲奴即由黑龍江等處改  
發之十八項有業經刪除者有酌量改輕者俱於本條  
修改明晰此例即屬贅設應請刪除

○刪除

一應發各省駐防給官員兵丁爲奴之犯仍由兵部覈計該  
犯原籍及犯事地方道里俱在四千里以外均勻酌發  
一應發駐防爲奴入犯除例內載明各條外其隨征兵丁在  
軍營私自潛逃分別軍務已未告竣投首及患病受傷迷  
失路徑查非有心脫逃在軍務告成後拏獲者隨征跟隨  
餘丁偷盜馬匹軍器及衣服銀兩潛逃投首照兵丁投首

按軍務已未告竣分別問擬者觸犯祖父母父母發遣免  
罪釋回後再有觸犯復經呈送者反逆案內其子孫無論  
已未成丁實係不知謀情者其餘律應緣坐男犯並非逆  
犯子孫年在十六歲以上者私鑄銅錢十千以上或不及  
十千而私鑄不止一次爲從及知情買使者私鑄銅錢不  
及十千匠人及爲首者鎔化些須鉛觔鑄錢不及十千匠  
人及爲首者共八條俱改發駐防給官兵爲奴而刺改發  
二字如有不服伊主管束及脫逃滋事仍按遣犯本例問  
擬

臣等謹按以上二條前條係咸豐三年續纂後條係同  
治九年定例查發往駐防給兵丁爲奴之例本爲甯古  
堪黑龍江等處旗下奴僕有犯發遣者而設因其人原

○三  
係奴僕故仍改發爲奴他犯初無此例迨嘉慶道光年間調劑黑龍江等處遣犯酌量改發駐防由是此項人犯漸多於昔惟駐防兵丁窮苦較甚於前大都無力贍贍故同治八年成都將軍奏請改發兩廣總督奏請停發是此項人犯發往駐防者爾時亦多窒礙現在駐防營制正值籌議通變之時若再將此等人犯發往更難安插此次修訂刑律已於各門條例內酌量變通辦理此二例均無關引用應即刪除

○刪除

一應發新疆及回城烏魯木齊等處條例內如一切左道異端煽惑人民爲從者傳習白陽白蓮八卦等邪教案內爲從年未逾六十及年逾六十而有傳徒情事者造讖緯妖



書妖言傳用惑人不及衆者用藥迷人甫經學習雖已合藥即行敗露或被迷人知覺未受累者各項教會名目並無傳習咒語但供有飄高老祖及拜師授徒者用藥迷人已經得財其餘爲從者老瓜賊內傳授技藝跟隨學習之人未同行者用藥及一切邪術迷拐幼小子女爲從者共八條均暫行監禁俟新疆道路疏通再行照例發往其強盜及響馬強盜傷人未得財爲從者未得財又未傷人爲首者強盜傷人傷輕平復事未發自首及行劫數家只首一家者洋盜案內投回自首照強盜自首問擬發遣者拏獲盜犯之眼線曾爲夥盜悔罪五日內指獲同伴者船戶店家圖財害命同謀不行事後分贓者聚衆不及十人數在三人以上持械搶奪爲從者糾衆發塚起棺索財取贖

跟隨同行在場瞭望及未得財爲從者共謀爲盜因患病及別故不行事後分贓者強盜窩主造意不行又不分贓及存留二人者窩線不上盜又未得財但爲賊探聽事主消息通線引路者共十一條俱改發極邊煙瘴充軍仍以足四千里爲限到配後鎖帶鐵杆石礮二年四川等省匪徒在場市人煙輳集之所橫行搶劫糾夥不及五人者在野攔搶四人以上至九人者糧船水手搶奪案內殺人未經幫毆成傷及聚衆互毆藏有火鎗搶鎗者山東省匪犯聚衆持械結捻結幅搶奪得贓數至四十人以上被脅同行及四十人以下十人以上爲從並聚衆搶奪未得財者捉人勒贖將被捉之人拒殺毆殺爲從幫毆傷非金刃又非折傷者將被捉之人幫同陵虐及雖無陵虐而助勢逼

勒致令自盡者聚衆拒殺兵役爲從傷非金刃又非折傷者傷人未死爲從刃傷及折傷以上者審無陵虐重情止圖利關禁勒贖爲首者洋盜案內知情接買盜賊三次以上者豫省並安徽等處兇徒結夥聚衆十人以上執持器械無論曾否傷人者聚衆十人以上搶奪被脅同行者廣東省匪徒捏造圖記紙單名色夥衆三人以上帶有烏鎗刀械未得財爲首並未帶烏鎗刀械亦未恃強擄掠但係嚇詐得財爲首及爲從二次並二次以上者廣東廣西二省奸徒窩藏匪類關禁勒贖者共十四條亦照前改發到配後鎖帶鐵杆石礮一年如有在配滋事犯法及乘間脫逃在逃後另犯不法情事除強盜等項例應正法及另犯事應斬絞者照例辦理外其因罪無可加例止枷責之犯

卽照烏嚙木齊地方遣犯例核其所犯事由如係軍流徒  
罪鎖帶鐵杆石礮二年如係笞杖等罪鎖帶鐵杆石礮一  
年果能安分限滿開釋交地方官嚴加管束釋放後仍不  
悛改再鎖帶一年儻仍怙惡不悛卽令永遠鎖帶此外例  
內載明應發新疆烏嚙木齊等處者俱改發極邊足四千  
里充軍係酌撥種地當差人犯到配後加枷號三個月係  
爲奴人犯到配後加枷號六個月其原例應加枷號者仍  
遞加枷號如在配脫逃被獲爲奴人犯用重枷枷號三個  
月當差人犯亦加枷號三個月倘在配滋事及逃後行兇  
爲匪並孥獲時有拒捕者俱照平常遣犯治罪以上各犯  
應刺字者如係強盜等項脫逃例應正法者面刺改遣二  
字除俱刺改發二字俟新疆道路疏通再行查明分別核

辦

臣等謹按此條係同治九年定例係因新疆道路未通故應發人犯分別暫行監禁及改發極邊煙瘴充軍加擬鎖帶杆礮年限惟現在新疆平靖多年業已改設行省外遣人犯儘可如常發往至例內所列各條有節次奏准刪除者有此次酌擬改變罪名者即仍照舊例科擬之犯亦均於本條修改明晰毋庸另設條文若在配滋事或脫逃被獲以及枷號刺字等項亦俱與現在辦法不符此例無關引用應即刪除

○刪除

一凡苗疆地方如軍流徒遣等內民人有捏稱土苗希圖折枷免徒者事發之日除按其本律治罪外仍先於本地方

枷號一個月再行充發其捏結之鄰保人等照證佐不言  
實情律減囚罪二等科斷受賄重者計贓以枉法論如犯  
該斬絞者亦令承審官於定案時查取保鄰切實甘結存  
案如有捏結亦照例分別治罪其失察官員俱視本犯之  
罪分別察議

臣等謹按此例係爲苗疆民人犯罪希圖折枷免配捏  
稱土苗而設現在土苗犯流置等罪既擬照民人收所  
習藝並不折枷以後自解捏稱土苗之事例同虛設應  
即刪除

### ○刪除

一新疆烏魯木齊等處在配遣犯令該管官將每遣犯十名  
酌設散遣頭一名每散遣頭十名酌設總遣頭一名即於

在配各遣犯內選擇充當責令管束並令各總遣頭出具連環保結互保遇有遣犯脫逃除主守之兵丁及專管之員弁仍照例辦理外即將應管之散遣頭亦照主守之例一體問擬總遣頭酌減一等治罪如散遣頭有脫逃情事即將應管之總遣頭亦照主守例治罪倘總遣頭有脫逃情事即將互保之總遣頭亦各照主守例治罪如其所管遣犯三年內並無一名脫逃滋事者散遣頭准在該處爲民如散遣頭三年內並無一名脫逃滋事者總遣頭准在該處爲民總遣頭或有事故即在散遣頭內挑充該遣頭等如有故意凌虐情事即嚴行懲治並將總散遣頭及所管遣犯俱造具花名清冊報明將軍都統並送部備覈

臣等謹按此條係咸豐二年定例維時新疆烏魯木齊

○三  
等處遣犯過多脫逃者衆故設此約束之法自同治七八年以後新疆道路梗塞發遣罪名節經收發駐防爲奴及內地充軍四十年來未經發往此等遣犯已屬寥寥此次修訂刑律雖擬留新疆當差一項條例所存亦屬無幾且新例發遣人犯俱應收所工作即限滿酌撥種地亦可分撥各州縣不必聚集一隅例內各節似與目前情事不合毋庸贅設應即刪除

### ○原例

一凡土蠻猺獞苗人讐殺劫擄及聚衆捉人靴禁者所犯係死罪將本犯正法。應家口父母兄弟子姪俱令遷徙如係軍流等罪將本犯照例枷責仍同家口父母兄弟子姪一併遷徙係流官所轄者發六百里外之上司安插係土



司所轄者發六百里外之營縣安插其兇惡未甚者初犯照例枷責姑免遷徙若仍不改惡將本人仍照原擬枷責親屬家口亦遷徙別地安插仍嚴飭文武官稽查約束出具印結并年貌清冊於年底報部如安插十年後果能改惡遷善有情願回籍者查明咨部准予回籍若本犯併各家口仍在安插地方行兇生事照已徒已流而又犯罪律再科後犯之罪倘地方官不盡心約束以致疎脫者即將該管文武各官照例參處其本犯審無別情照例治以逃罪如有生事不法情由照平常遺犯逃後爲匪例分別治罪至蠻獍頭目犯法必根究勾引之人審明確實照誘人犯法律加等治罪遇

赦不宥失察勾引之地方官交部議處

一雲南貴州苗人犯該徒流軍遣仍照舊例枷責完結其情節較重或再犯不悛將本犯照例折枷後仍同家口各就土流所轄一併遷徙安插至苗人中有雉髮衣冠與民人無別者犯罪到官悉照民人例治罪

臣等謹按以上二條俱係苗蠻犛獠人等犯該軍流等罪照例枷責仍將家口一併遷徙之例查苗蠻人等本身犯罪因應盡法懲治乃父母兄弟子姪一應家口無論是否同謀一併遷徙六百里以外安插其與緣坐何異現在刪除重法反逆之案不知情者俱不緣坐譬殺劫擄等項情節雖重究與叛逆有異且遷徙之制此次亦擬廢除不用所有例內遷徙一層應行節刪至苗蠻人等犯該徒流軍遣枷責完結原以此等化外之人不

便定地發配故照旗人犯罪例改折枷杖日久相沿遂爲定制惟旗人犯罪免發遣之律現經刪除且各省苗蠻犛獠久已効順其情形迥非昔比有犯流罪以上似應照民人一律改折工作惟此等人久處荒服言語嗜欲素與內地不同犯雖常赦所不原似應仍留本地習藝毋庸發配以示體恤擬將兩條修併爲一無論土流所轄及是否薙髮衣冠有犯流置以上一律收入本地習藝所按限工作限滿釋放其犯至外遣者按照民人本例不准釋回苗蠻人等即在本本地習藝十二年限滿似應查看情形如係怙惡不悛酌量再加工作年限方爲平允若脫逃被獲及逃後爲匪並勾引犯法各節俱有本律本例可援此處亦概行交削謹將修併例文開

列於後

修併

一凡苗蠻猺獞及夷獮人等有犯流置等罪無論常赦是否得原俱收入本地習藝所按照例定年限工作限滿釋放本罪係外遣者工作十二年後察看情形如尙知改悔從寬開釋若仍怙惡不悛再加工作五年限滿保釋

○ 刪除

充軍地方

凡問該充軍者附近發二千里近邊發二千五百里邊遠發三千里極邊煙瘴俱發四千里定地發遣充軍人犯在京兵部定地在外巡撫定地仍抄招知會兵部

直隸布政司府分發山東

近附山西

近附江南

近附湖廣

近附

近邊陝西

近邊浙江

近邊江西

近邊廣東

近邊地方

近邊

近邊

江南布政司府分發湖廣

近附山東

近附浙江

近附陝西

近附

近邊直隸

近邊山西

近邊廣東

近邊地方

近邊

近邊

山東布政司府分發登州府

近附直隸

近附江南

近附山西

近附

近邊浙江

近邊陝西

近邊廣東

近邊地方

近邊

近邊

山西布政司府分發山東

近附江南

近附陝西

近附地方

近附

湖廣

附近

邊極

遠

近

邊

浙江

附近

邊極

遠

近

江西

附近

邊極

遠

近

廣東

附近

邊極

遠

近

地方

河南布政司府分發山東

附近

邊極

遠

近

山西

附近

邊極

遠

近

湖廣

附近

邊極

遠

近

直隸

附近

邊極

遠

近

江

附近

邊極

遠

近

南

附近

邊極

遠

近

陝西

附近

邊極

遠

近

浙江

附近

邊極

遠

近

廣東

附近

邊極

遠

近

地方

地方

陝西布政司府分發寧夏衛河州衛

附近

邊極

遠

近

直隸

附近

邊極

遠

近

山西

附近

邊極

遠

近

本都

行都司

附近

邊極

遠

近

山東

附近

邊極

遠

近

湖廣

附近

邊極

遠

近

江南

附近

邊極

遠

近

廣東

附近

邊極

遠

近

地方

浙江布政司府分發江南

附近

邊極

遠

近

山東

附近

邊極

遠

近

湖廣

附近

邊極

遠

近

地方

直隸

附近

邊極

遠

近

山西

附近

邊極

遠

近

陝西

附近

邊極

遠

近

廣東

附近

邊極

遠

近

地方

江西布政司府分發山東

附近

邊極

遠

近

浙江

附近

邊極

遠

近

湖廣

附近

邊極

遠

近

廣東

附近

邊極

遠

近

地方

直隸

附近

邊極

遠

近

山西

附近

邊極

遠

近

陝西

附近

邊極

遠

近

四川

附近

邊極

遠

近

地方

湖廣布政司府分發襄陽府

附近

邊極

遠

近

江西

附近

邊極

遠

近

浙江

附近

邊極

遠

近

四川

附近

邊極

遠

近

地方

海附近  
遠近  
江南  
邊附近  
遠近  
極近  
邊邊  
山西  
邊附近  
遠近  
極近  
邊邊  
陝西  
邊附近  
遠近  
極近  
邊邊  
直隸

近邊  
廣東  
附近  
地方

福建布政司府分發浙江近附江西近附江南近附廣東近附

遼東  
湖廣  
附近  
山東  
遠近  
直隸  
極邊  
四川  
遠近  
地方

廣東布政司府分發潮州府  
近附湖廣  
遠附、遠近、遠近、遠近  
 山西  
遠附四川

邊地  
山東  
邊地  
地方

廣西布政司府分發江西  
邊附近  
湖廣  
邊附近  
四川  
邊附近

山西  
遼極  
陝西  
遼極  
浙江  
遼極  
廣東  
遼附  
極近  
遼近  
煙遼  
遼近  
地方

四川布政司府分發越雋衛近附陝西遠附近近極遠邊遠湖廣遠附近遠近遠

極邊  
 江南  
 遠近  
 極邊  
 遠邊  
 山西  
 遠極  
 浙江  
 遠極  
 廣東  
 極近  
 遠邊  
 極邊  
 遠邊  
 地方

貴川布政司府分發四川  
近附江西  
近附湖廣  
近附陝西

邊遠  
江  
南  
遠近  
邊遠  
浙  
江  
遠近  
邊遠  
山  
西  
邊遠  
廣  
東  
遠附  
邊近  
遠近  
邊遠

地方

雲南布政司府分發廣東

附近極邊煙瘴湖廣附近邊遠陝西極邊

江西

極邊地方

臣等謹案此仍明律查光緒二十九年刑部具奏修改則例辦法一摺聲稱現行例內名實不符輾轉糾纏引用易涉錯誤者莫如五軍擬將附近近邊邊遠三軍併入三流仍留極邊煙瘴兩項為滿流加等之用其充軍字樣均改為安置等因奉

旨允准在案此次修訂刑律業經查照前奏將附近近邊邊遠三軍刪除所有極邊煙瘴兩項均正名為安置並修入上條律文定其目曰五徒三流二遣地方一切安置辦法均於機門律例內斟酌修定其極邊及煙瘴應發省分另



有五軍道里表儘可備查所有此條律文與附列各布政司府分應發地方俱屬舊制與現在辦法不盡符合應即刪除

○刪除

一凡各省充軍人犯該州縣仍註軍籍當差以該州縣爲專管該府爲統轄如有脫逃疏縱將該府州縣職名題參

臣等謹按新章軍罪人犯無論發配與否俱應收入習藝所工作以資成而論自應以辦理習藝所人員爲專管州縣爲兼轄惟改章伊始各省尙未一律奏報到部應俟日後定議此條係屬舊例與現在辦法不合應即刪除

○刪除

一奉天直隸不便安插軍流罪犯嗣後各省軍流均按照五軍道里表及三流道里表分別等次收發別省其應發奉天直隸府州等處永行停止

臣等謹按此條係乾隆十六年及十九年奏准定例查奉天直隸不便安插軍流自係尊崇根本之意從前定擬條例亦以直隸地方律文列入應發省分故爲此以示區別迨後三流五軍各編有道里表奉天直隸俱註明停止編發則按表定地自不至有編發奉天直隸之事此例幾同贅設應即刪除